

DAGSORDEN AIA - Aningaasaqarnermut Inuussutissarsionermullu Ataatsimiititaq d. 22-05-2018

Mødedato Tirsdag d. 22. maj 2018 kl. 18:00

Mødested Kommunalbestyrelsep ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarnerat.....	4
Nalunaarutit.....	5
Ilisimatitsissutit.....	6
Pissaanermik atuinermut tunngasumik piginnaatitaanermut pilersaarummik misissuineq.....	7
Qussummi, Narsarsuarmi, Nuummi takornariartitsisinnaanermut akuersissutit.....	11
Eqqumiitsuliortut sanaluttarfiat Nuuk.....	15
Aalajangiiffigisassat.....	18
Imigassanik kimittuunik nioqquteqarsinnaanermut akuersissummik type A-mik qinnuteqaat Pisiffik	19
Suliat Kommunalbestyrelsimut ingerlateqqitassat.....	23
Qamuteralaat pillugit ileqqoreqqusaq.....	24
Kommunimut pilersaarummut tapiliussap 1A20-1, “Qatanngutigiiinguit pingasut”, Nuummiittup, i	27
Kommunimut pilersaarummut tapiliussap, 2B2-4 Qeqertat 2020, Nuuk, Nuussuup illoqarfiata ilaa,	30
Kommunimut pilersaarummut tapiliussap 4E2-1, Niaqornannguup, inaarutaasumik akuerineqarnera	36
Paamiut pillugit pilersaarut tamakkiisoq.....	40
Ulloq unnuarlu paaqqinniffiit Namminersorlutik Oqartussanit pigineqartut tiginissaannut isumaqat	44
Suliffeqarfinnik sulilernissamut piareersarfiusunik pilersitsinissaq.....	48
2018 januaarimiit apriliimut missingersuutinut malitseqartitsineq.....	52
Ukiumoortumik naatsorsuutit 2017 – kukkunersuiusunut nassiussineq.....	56
Taasariaqartut allat.....	60
Suliat matoqqasut.....	61
Lukket.....	62
Lukket.....	63
Imaqarniliap akuerineqarnera.....	64

IMMIKKOORTOQ 0: Saqqaa

<p>Ilaasortat</p> <p>Aii Chemnitz Narup (IA), siulittaasoq</p> <p>Harald Bianco (IA)</p>
<p>Malene Lyngø (IA)</p> <p>Henrik Rachlev (IA)</p> <p>Randi Vestergaard Evaldsen (D)</p> <p>Peter Davidsen
(S)</p> <p>Jens Kristian Berthelsen (S)</p>

Beslutning

Ilaasinnaanatik nalunaartut:

Malene Lyngø (IA)

Sinniisussatut aggersarneqartut:

Uju Petersen (IA)

IMMIKKOORTOQ 1: Oqaluuserisassat akuerineqarnerat

Beslutning

Oqaluuserisassat akuerineqarput.

IMMIKKOORTOQ 2: Nalunaarutit

<p>2A. Siulittaasumit nalunaarutit.</p> <p>2B. Ingerlatsivimmit nalunaarutit.</p>

Beslutning

2A. Siulittaasumit nalunaarutit

1. Inatsisartunut qinersineq apriiip 24-ani ingerlanneqarpoq. Maanna qinersinermut allattuiviit tamarmik Nuummut tikissimalerput, taamaattumillu qinersinermut siulersuisuni ullumi kingusinnersukkut ataatsimiissaagut uagut nammineq qinersinermik allattuiffivut akuersissutigissallugit. Qinersinermut siulersuisut qinersinermut allattuiviit akuersissutigereerpagit, atortut tamarmik qinersinermut aalajangiisartunut nassiuqqassapput.
2. Maajip 7-ani borgmesterip PANAM 2018-imi aqutsisoq ataatsimeeqatigaa. Unammersuarnissat pillugit borgmesteri sukumiisumik ilisimatitsiffigineqarpoq. Kommuneqarfik Sermersooq unammersuarnermi aningaasaliisut pingaarnert ilagaat, aammalu pisussani assigiinngitsuni kommunalbestyrelsiq peqataatinneqarnissani naatsorsuutigisinnavaa.
3. Ulloq 11. maaji 2018 Nuup Bussii A/S, Iserit A/S aamma Nuuk City Development A/S ataatsimeersuarput. Ataatsimeersuarnerit kommunalbestyrelsiq ataatsimiittarfiani ingerlanneqarput.
4. Ulluni 13.-15.maaji Nunaqarfimmi Aqutsisut isumasioqatigiissinneqarput. Isumasioqatigiinneq Nuummi ingerlanneqarpoq, tassanilu nunaqarfimmi ilaasortanit 19-init 18-it peqataapput. Ataatsimiittitani siulittaasut gruppinilu siulittaasut aggersarneqarsimapput, KANUNUPE-mi siulittaasoq ilanngullugu. Eqqartorneqartut amerlapput, nunaqarfinni inuussutissarsiutiniit meeqqanut inuusuttunullu. Isumasioqatigiittoqarsimanera iluarisimaarluarneqarpoq, angumerisassarpassuarnik ulikkaartoq. Nunaqarfimmi Aqutsisut isumasioqatigiinnerisa nalunaarusiorneqarnissaa aallartereerpoq, naammassippallu AIA-mut saqqummiunneqassaaq. Tamatuma saniatigut 2019-imut inuussutissarsiutinut pilersaarutissamut immersuisoqarpoq, taannalu AIA-p maajip 29-ianni SBC-mik ataatsimeeqateqarnermini eqqartussavaa.
5. Ukiuni 47-ni qinikkatut sulereerluni Lars Emil Johansen Inatsisartunut upernaag manna qinigassanngorteqqinngilaq. Lars Emil Johansen-ip ukiuni taakkunani nukini sulininilu inuiaqatigiinnut iluaqutissatut atorpai. Sulilluarsimaneranut qujassutitut, borgmesteri kommunalbestyrelse sinnerlugu Lars Emil Johansen qujassuteqarfiginarlugu kommunalbestyrelsiq ataatsimiittarfiani maajip 16-ianni 2018 ilassinnippoq.
6. Maajip 16-ianni Katuaq A/S ukiumoortumik ataatsimiippoq. Borgmesteri Sanarfinermut Avatangiisinullu Ingerlatsivimmi pisortaq peqatigalugu ataatsimiinnermi peqataapput.
7. Piffissami 10.-15 maaji. Nunatta Eqqumiitsulianik Saqqummersitsiviata siulersuisui Nuummi ataatsimiipput maajillu 13-ianni siulersuisuni ataatsimiillutik. Nunatta Eqqumiitsulianik Saqqummersitsiviani siulersuisut Nuummiinnermini Kommuneqarfik Sermersooq maajip 21-ianni ataatsimeeqatigaat, ilaatigut saqqummersitsiviup inissisimaffissaa pillugu.
8. Nuummi Kunngissaq Frederik hunnorujut affaannik ukioqalernera nalliuttorsiuutigineqarpoq, ilaqutariinnut arpatsitsineq Royal Run aaqqissuunneqarluni. Kunngikkormiutut Ataqqinassusilik Kunngissaq Frederik 26. maaji 50-nik ukioqalissaaq. Inersimasut meerarpassuillu peqataapput, arpakkusuttut imaluunniit pisuinnartut 3,5 kilometerimik Kunngissaq Frederik inuissiornera malunnartippaat. Borgmester Asii Chemnitz Narup arpannermik aallartitsisuuvoq.

IMMIKKOORTOQ 3: Ilisimatitsissutit

IMMIKKOORTOQ 03A: Pissaanermik atuinermut tunngasumik piginnaatitaanermut pilersaarummik misissuineq

Beslutning

Ilisimatitissut tusaatissatut tiguneqarpoq.

Ilanngussat

MagtanvendelsesprocedureKAL.pdf

Magtanv_Voksne_Skema1_kal.docx

Skema2KAL.pdf

Skema3KAL.pdf

Pissaanermik atuinnermut tunngasunik piginnaatitaanermut pilersaarummik misissuineq

Ilisimatitsissut
J.nr.: 27.66.08

Isumaginninnermut Suliffeqarnermullu Ingerlatsivik – pisortaq Isak Nielsen Kleist / ISNK

Suliassamik eqikkaaneq

Ombudsmandip Ippiarsummi misissuinerata kingunerisaanik Isumaginninnermut Suliffeqarnermullu Ingerlatsivik pissaanermik atuinnermut tunngasunik maannakkut suleriusaasumik misissuivoq. Misissuinermi qitiutinneqarput piginnaatitaanermut pilersaarut, nalunaaruteqarnermi immersugassat aammalu ilinniartersuineq.

Isumaginninnermut Suliffeqarnermullu Ataatsimiititap 2. maj 2018 ataatsimiinnermini inassuteqaatit akueraa aammalu Aningaasaqarnermut Inuusutissarsiornermullu Ataatsimiititamat ilisimatitsissutitut ingerlateqqillugu.

Inassuteqaatit

Isumaginninnermut Suliffeqarnermullu Ataatsimiititap Aningaasaqarnermut Inuusutissarsiornermullu Ataatsimiititamat inassuteqaatigaa:

- ilisimatitsissut tusaatitut tiguneqassasoq

Suliassamik saqqummiussineq

Ombudsmandip juulip sisamaani 2017-imi Ippiarsummi misissuinerata kingunerisaanik Isumaginninnermut Suliffeqarnermullu Ingerlatsivik pissaanermik atuinnermut tunngasunik maannakkut suleriusaasumik misissuivoq. Soorlu ataatsimiititap marsip arferngani 2018-imi ataatsimiinnerani ilisimatitsissummi allaqqasoq, Ombudsmandeqarfiup nammineerluni nalinginnaasumik nakkutilliinissaa malillugu nakkutilliineq pisoq, taamaalillunilu aalajangersimasumik naammagittaalliuteqartoqarsimanera tunngavigalugu tamanna pinngitsoq, Ombudsmandip nalunaarusiornermini allaaseraa, Ippiarsummi paqqinniffittut pitsaasutut maluginiarsimallugu, aqutsisuusuniillu eqqumaffigineqartoq tassani ajornartorsiutigineqartunik tamakkulu qaangerniarlugit suliaqartut.

Taamaakkaluartoq ingerlatsiviup kissaatigaa, pissaanermik atuinnermut tunngatillugu suleriutsit aaqqissuussaanerlu misissuiffigerusullugit, tassuuna innuttaasut sulisullu atugaat sapinngisamik pitsaasuutinnissat qulakkeerniarlugu. Soorlu aamma inatsimmi allaqqasoq.

Isumaginninnermik suliassaqaarfimmi pissaanermik atuneq pillugu Inatsisartut inatsisaat nr. 1, 21. november 2013-meersumi ilaatigut allaqqavoq:

”Aalajangersakkatigut siunertaq pingaarneq tassaavoq inersimasut tarnip pissusaatigut killilimmik piginnaanillit inatsisitigut isumannaatsumik pineqarnissaasa isumannaannerulersinnissaat, tassalu inuit tarnip pissusaasigut killilimmik piginnaasaqarnermik kinguneranik namminneq inuunerminnik isumaginnissinnaanngitsut, amerlanertigullu atorsinnaasumik akuersissuteqarsinnaanngitsut pineqarlutik.”

Aammattaaq allaqqavoq:

”Pissaanermik atuneq pillugu inatsimmi aalajangersagartaani § 1-imi siunertaavoq, pissaanermik atuneq aatsaat pisariaqarluninarpas killilimmik atorineqassasoq. Inatsimmi §§ 30-40-mi

periarfissaatinneqarpoq, pinngitsaaliilluni ikiorsiissuteqarnissaq, taamaattumillu immikkut isigineqassalluni.”

Pissaanermik atuineq pillugu inatsimmi aalajangersakkat aamma inatsit malillugu ikiorsiinermit periarfissat naapertorlugit uku qitiutillugit misissuineq ingerlanneqarpoq:

- Piginnaatitsinermit pilersaarut
- Nalunaaruteqarnermi immersugassat
- Ilinniartitsineq

Ingerlatsiviup misissuinerata takutippaa, inatsit naapertorlugu sulisoqassappat ersarinnerusunik ingerlakkuminartumillu suleriuseqartoqarnissaq pisariaqartoq. Ilaatigullu takutinneqarluni, pissaanermik atuisoqartillugu nalunaaruteqarnermi immersugassat aaqqissuussasumik isumagineqarneq ajortut nalunaarutigineqassanatillu.

Piginnaatitsinermit pilersaarummi inassisimanermut akisussaassusermullu tunngasut erseqqissarneqarput. Nalunaaruteqarnermi immersugassat innuttaasumut sulisumullu tunngatillugu pissaanermik atuisoqarsimatillugu perorsaanermi suliaqartoqarneranilu eqqortumik ingerlatsisoqarsimaneranut isummertoqarsimaneranullu takussutissaqartitsinissamut qulakkeerutaasarpud.

Aaqqiissutissatut siunnersuut – suliatigut naliliineq

Piginnaatitsinermit pilersaarut:

Matuma siuliini allaqqasut qulakkeersinnaajumallugit piginnaatitsinermit pilersaarut naapertorlugu ingerlatsivik sulivoq (ilanngussaq innersuussutigalugu) taannalu aaqqissuussaannikkut allannguineq pissutigalugu nutarterneqartussaavoq. Allannguutit ilanngussami aappaluttumik allanneqarsimappud.

Nalunaaruteqarnermi immersugassat:

Atorfilittat, fagchefit sulisullu attuumassuteqartut ingerlatsinermit sulialinnit immersorneqarsimasunik tunineqartassasut siunnersuutigineqarpoq (Ilanngussaq innersuussutigalugu). Atorfilittat immersukkat SBSYS-imi ataatsimoortissavaat qaammatillu pingasukkuutaarlugit ataatsimiititamut paasissutissiisarnissamik ataqtigiissaarisassallutik. Nalunaarutigineqarsimasut amerlassusii, pissaanermik atuineq qanoq ittoq atorneqarsimanersoq ingerlatitsiqqiinermilu killiffik paasissutissiinermit ilanngullugit takuneqarsinnaasassappud.

Ilinniartitsineq:

Ilinniartitsinermit siunertaavoq:

- Pissaanermik atuineq pillugu inatsisinik ilisimasaqalersitsinissaq
- Sulisut nalunaaruteqarnermi immersugassanik immersuisinnaappud
- Suliassamik isumaginnissinnaanngornissamut pisariaqartunik perorsaanermut tunngasutigut sulisunik piginnaasaqalersitsinissaq

Aningaasaqarnikkut sulisoqarnikkullu naliliinerit

Siunnersuut aningaasaqarnikkut sunniuteqaataassanngitsoq nalilerneqarpoq.

Inatsisitigut tunngavissaq allakkallu tunngaviusumik uppernarsaatitallit

Isumaginninnermit suliassaqarfimmi pissaanermik atuineq pillugu Inatsisartut inatsisaat nr. 1, 21. november 2013-meersoq

Ingerlariaqqinnissaq

Ataatsimiititap piginnaatitsinermut pilersaarut akuersissutigissappagu aaqqissuuteriarlugu aqutsisunut sulisunullu attuumassuteqartunut ingerlateqqinneqassaaq.

Aammattaaq, ataatsimiititap tulliani ataatsimiinnissaani skiimatalimmik ilisimatinneqassaaq, ukuninnga imaqartumik: nalunaarutit amerlassusii, pissaanermik atuinerit qanoq ittuuneri ingerlatitseqqinermilu killiffik.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik oqaaseqartinneqanngilaq.

Siornatigut aalajangerneq

Isumaginninnermut Suliffeqarnermullu Ataatsimiititap aalajangerneq 2. maj 2018-meersoq:

Ilisimatitsissut tusaatissatut tiguneqarpoq, imannak oqasertalerlugu:

- Suliaq Aningaasaqarnermut Inuussutissarsiornermullu Ataatsimiititap ilisimatitsissutit ingerlateqqinneqassasoq.

Innuttaasunik peqataatitsineq/attaveqaqatigiinneq

Soqanngilaq

Ingerlatsivinniit allaniit oqaaseqaatigineqartut

Soqanngilaq

Ilanngussat

1. piginnaatitsinermut pilersaarut
2. Nalunaaruteqarnermi immersugassaq 1
3. Nalunaaruteqarnermi immersugassaq 2
4. Nalunaaruteqarnermi immersugassaq 3

IMMIKKOORTOQ 03B: Qussummi, Narsarsuarmi, Nuummi takornariartitsisinnanermut akuersissutit

Beslutning

Ilisimatitississut tusaatissatut tiguneqarpoq.

Ilanngussat

bilag 1.pdf

bilag 2 hel kal.pdf

bilag 2 kal.pdf

Qussummi, Narsarsuarmi, Nuummi takornariatitsisinnaanermut akuersissutit

Suliaq ingerlasoq pillugu ilisimatitsissut

Ilisimatitsissut

J.nr: 16.03.01.01-P16-6-18

Sanarfinermut Avatangiisinullu Ingerlatsivik – pisortaqaq Hans Henrik Winther - Johannsen / HHWJ

Suliassamik eqikkaaneq

Sanarfinermut Avatangiisinullu Ingerlatsivik Namminersorlutik Oqartussani Inuussutissarsiornermut, Suliffeqarnermut, Niuernermut Nukissiuteqarnermullu Naalackersuisoqarfimmit Nuup Kangerluaniittumi Qussummi eqalunniarsinnaanermut akuersissutinut marluusunut tunngasumik saaffigineqarpoq. Tamanna tunngavigalugu pilersaarusiornermik suliaq ingerlatsiviup aallartippaa, naatsorsuutigalugulu kommunimut pilersaarummut tapiliussatut siunnersuut 2018-ip ukiaani nassiutissallugu.

Sanarfinermut Avatangiisinullu Ataatsimiititap ilisimatitsissut 14. maj 2018 ataatsimiinnerminni tusaatissatut tiguaat aammalu Aningaasaqarnermut Inuussutissarsiornermullu Ataatsimiititamut ilisimatitsissutitut ingerlateqqillugu, imannak oqaasertalerlugu: piffinni pineqartuni atuisut ilaatinneqassapput.

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Namminersorlutik Oqartussani Inuussutissarsiornermut, Suliffeqarnermut, Niuernermut Nukissiuteqarnermullu Naalackersuisoqarfimmit Nuup Kangerluaniittumi Qussummi eqalunniarsinnaanermut akuersissummik qinnuteqaatit marluk tigusimavai.

Akuersissutinik suliaqarneq imatut nassuiarneqarsinnaavoq.

- Akuersissuteqarnissamut periarfissaasinnaasumik saaffiginnissummik Namminersorlutik Oqartussat tigusaqarput.
- Akuersissuteqarnissaq kommunimut pilersaarummi pineqartumi periarfissaanersoq Namminersorlutik Oqartussat misissussavaa.
"Periarfissaappat": Namminersorlutik Oqartussat neqeroortitsisinnaapput, taamaalillunilu qinnuteqartitsilluni.
"Periarfissaanngippat": Akuersissuteqartoqarnissaanut periarfissiisumik kommunimut pilersaarummut tapiliussaliussanerluni kommunip aalajangiiffigissavaa.
- Pisariaqarpat pilersaarummut tunngavissaq suliarineqareeripat Namminersorlutik Oqartussat neqeroortitsisinnaallutillu qinnuteqartitsisinnaapput.

Inuussutissarsiornermik takornariaqarnermillu annertusaanissaq kommunimi suleqatigiinnissamik isumaqatigiissummi qitiutinneqarput, aamma Qussuk takornariatitsivissatut pissanganartunik periarfissagissaarmat Sanarfinermut Avatangiisinullu Ingerlatsivik sumiiffimmut tunngasumik

kommunimut pilersaarummut tapiliussatut siunnersuusiorluni aallartippoq, tassuuna eqalunniartitsisinnaanermut akuersissuteqartitsinissaq periarfissaalersinniarlugu. Takornariartitsisinnaanermut akuersissutaateqarneq ima paasineqassaaq, sumiiffiup aalajangersimasup iluani takornariartitsinermi nioqutissamik arlalinnilluunniit tunniussisinnaatitaasoq. Takornariartitsinermi sammisaqarnermut akuersissut pisinnaatitaanermik pigisaqartumut tunniunneqartarpoq. Suliffeqarfik sumiiffimmik akuersissutaateqaleraangat, ass. kooqarfimmi, taava suliffeqarfik taanna sumiiffimmi pineqartumi suliamut aalajangersimasumut kisermaassisuussaaq. Sumiiffimmi tassani piffissami tassani allatigut suliaqartoqarsinnaavoq, ass. pisunneq, piniarneq, qaqqatigut sikkilerneq il.il. aamma najugaqavissut kuummut aalisariarsinnaatitaapput. Taamaattorli suliffeqarfiit allat inuussutissarsiutigalugu takornarissanut aalisartitsinermik tassani imaluunniit sumiiffiup nalaani ingerlatsisinnaangillat. Akuersissuteqartarnissamik Inatsisartut Inatsisaat innersuussutigalugu, ilanngussaq 1.

Aaqqiissutissatut siunnersuut – suliaticigut naliliineq

Sanarfinermut Avatangiisinullu Ingerlatsivik isumaqarpoq, Nuup Kangerlua takornarialerinermit tunngasutigut, akuersissuteqarfissatut periarfissarpassuaqartoq, taamaattumillu pilersaarusiiorluni aallartilluni. Ingerlatsiviup naatsorsuutigaa, kommunimut pilersaarummut tapiliussatut siunnersuut 2018-imi ukiakkut politikikkut akuersissutigitinneqassasoq. Akuersissutip annertussusaa suullu suliatic periarfissaatinneqassanersut siunnersuummi allaaserineqassapput.

Aningaasaqarnikkut sulisoqarnikkullu naliliinerit

Kommunimut pilersaarummut tapiliussatut siunnersuut kommunimut pilersaarummut ilaavoq, ingerlatsiviullu pilersaarusiiornermit missingersuutaanut malunnaatilimmik sunniuteqassanngilaq.

Inatsitigut tunngavissaq allakkallu tunngaviusumik uppersaaitallit

Pilersaarusiiorneq aamma nunaminertat atorineqartarneri pillugit Inatsisartut inatsisaat nr. 17, 17. november 2010-imeersoq aamma Sumiiffinni nunami aalajangersimasuni takornariartitsinermit akuersissuteqartarnissaq pillugu Inatsisartut inatsisaat nr. 19, 3. december 2012-meersoq Landområder.

Ingerlariaqqinnissaq

Ingerlatsiviup siunnersuusiiornermini soqutigisaqatigiit attuumassuteqartut akuutinniarpai.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik matuma siuliini taaneqartut saniatigut oqaaseqaatissaqanngilaq.

Siornatigut aalajangerneq

Sanarfinermut Avatangiisinullu Ataatsimiititap 14. Maj 2018-imi aalajangernera:

Ilisimatitsissut tusaatissatut tiguneqarpoq, aammalu Aningaasaqarnermut Inuussutissarsiiornermullu Ataatsimiititamut ilisimatitsissutit ingerlateqinneqarluni, imannak oqaasertalerlugu:

- Innuttaasut piffinni pineqartuni atuisut ilaatinneqassapput.

Innuttaasunik peqataatitsineq/attaveqatigiinneq

Ingerlatsiviup pilersaarummut siunnersuusiiornermini soqutigisaqatigiit attuumassuteqartut akuutinniarpai, pilersaarusiiornermilu inatsit naapertorlugu siunnersuut tamanut tusarniutigissallugu.

Ingerlatsivinnit allaniit oqaaseqaatit

Ingerlatsivinnit allanit oqaaseqaateqartitsisoqanngilaq.

Ilannussat

1. Sumiiffinni nunami aalajangersimasuni takornariartitsinermut akuersissuteqartarnissaq pillugu Inatsisartut inatsisaat nr. 19, 3. december 2012-meersoq Landområder.
2. Qussuup nunap assitaliorneqarnera.

IMMIKKOORTOQ 03C: Eqqumiitsuliortut sanaluttarfiat Nuuk

Beslutning

Ilisimatitissut tusaatissatut tiguneqarpoq.

Eqqumiitsuliortut sanaluttarfiat Nuuk

Atertaartitsineq ilisarnaatitaarnerlu.

Ilisimatitsissut

J nr 73.02

Suliffeqarfimmi Kiffartuussineq - kommunaldirektøri Lars Møller-Sørensen / LMS

Suliassamik eqikkaaneq

Sanaluttarfimi atuisut suleqatigalugit, eqqumiitsuliortut sanaluttarfiata Nuummiittup atissaanik nassaartoqarpoq: "Ajagaq".

Eqqumiitsuliortut sanaluttarfianik atsiussinikkut sumiiffia ilisimaneqarnerulissaaq. Tassunga atatillugu sanaluttarfiup ilisarnaatissaanik sanasoqassaaq.

Inassuteqaatit

Suliffeqarfimmut Kiffartuussiviup Aningaasaqarnermut Inuusutissarsiornermullu Ataatsimiititamut inassuteqaatigaa:

- Ataatsimiititap atertaartitsiniarnermik paasissutissiineq tusaatissatut tigussagaa.

Suliassamik saqqummiussineq

Eqqumiitsuliortut sanaluttarfiat Nuukullammiittoq 2015-imi Illorput-mi ininit nuunneqarmalli atorneqalerpoq.

Eqqumiitsuliortut sanaluttarfiat nammineq ateqarnikuunngilaq inillu inissisimaffii malillugit aqqusernup aqqanik ateqarallartinneqarsimavoq. Eqqumiitsuliortulli sanaluttarfiata nittarsaalluarnissaa illumillu ilisimasaqarnerup annertusarnissaa kissaatigineqarpoq. Tassungalu atatillugu illumut atermik ilisarnaatissamillu sanaluttarfimmik nittarsaassisussamik siunnersuuteqartoqarpoq.

Aaqqiissutissatut siunnersuutit

Eqqumiitsuliortut sanaluttarfianik atuisut aalajangersimasut ataatsimiisinnerqarput ataatsimoorlutillu assigiinngitsunik siunnersuuteqarlutik. Siunnersuutigineqartut assigiinngitsut akornanni, ateq "Ajagaq", toqqarneqarpoq.

Atuisunit ateq toqqarneqartoq ataqatigiinnermik ilisarnaateqarnera sanaluttarfimmilu sananeqartarnera pequtaalluni toqqagassatsialaasorivaat.

Ilisarnaammik atermut naleqquttumik sanasoqassaaq taannalu eqqumiitsuliortut sanaluttarfiata silataanut nivinngarneqassaaq.

Aningaasaqarnikkut sulisoqarnikkullu naliliinerit

Atertaartitsineq toqqaanartumik aningaasartuutitaqanngilaq. Atertaartitsinermili nalliuttorsiornermi aningaasartuutit sumiiffimmit aningaasartuutigineqassapput.

Inatsisitigut tunngavissaq allakkallu tunngaviusumik uppersaatitallit

Soqanngilaq

Ingerlariaqqinnissaq

Atermut tulluurtumik ilisarnaasiortoqassaaq. Ateq nivinngarnerisiorneqassaaq atuisunut soqutiginnittunullu kaffillernikkut.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik oqaaseqartinneqanngilaq.

Innuttaasunik peqataatsineq/attaveqaqatigiinneq

Atuisut siunnersuuteqartuupput atinilu siunnersuutigineqartuni taanna qinerneqarpoq.

Ingerlatsivinnit allaniit oqaaseqaatit

Ingerlatsivinnit allanit oqaaseqaateqartitsisoqanngilaq.

Ilangussat

Soqanngilaq.

IMMIKKOORTOQ 4: Aalajangiiffisassat

IMMIKKOORTOQ 04A: Imigassanik kimittuunik nioqquteqarsinnaanermut akuersissummik type A-mik qinnuteqaat Pisiffik Qinngorput

Beslutning

Inassuteqaatit akuerineqarput.

Imigassanik kimittuunik nioqquteqarsinnaanermut akuersissummik type A-mik qinnuteqaat Pisiffik Qinngorput

Aalajangiiffigisassaq

J.nr. 70.06.00

Suliffeqarnermi Kiffartuussivik – kommunaldirktøri Lars Møller-Sørensen / LMS

Suliassamik eqikkaaneq

Imigassanik aalakoornartortalinnik Pisiffik Qinngorput, B 1400 – Hans Lyngip Aqquserna 22, 3905 Nuussuaq, nioqquteqarnissamut akuersissummik A-mik qinnuteqaataa Suliffeqarnermi Kiffartuussiviup tiguaa.

Niuertarfissaq juni-mi nutserfiginissaa naatsorsuutigineqarpoq taamaasillunilu SPAR qinngorpumiitooq matuneqassalluni.

Qinnuteqaat siullermeerutaavoq, qinnuteqartullu maannakkorpiaq imigassanik aalakoornartortalinnik tuniniaasinnaanermut piumasaqaatit tamaasa naammassisimangilai.

Inassuteqaat

Suliffeqarfimmi Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- Pisiffik Qinngorput paasissutissat pissarsiarineqartut tunngavigalugit piffissami killilikkami qaammatini pingasuni imigassanik aalakoornartortalinnik tuniniaasinnaanermut siumoortumik akuersissummik type A-mik siuningaaniit akuersissuteqarfigineqarsinnaanersoq aalajangiiffigeqqullugu
- Peqatigitillugu borgmesterip kommunaldirktørii ataatsimoorlutik Pisiffik Qinngorput inatsimmi piumasaqaatit naammassippagit imigassamik tuniniaasinnaanermut akuersissut tunniutissagaat

Suliassamik saqqummiussineq

Imigassanik aalakoornartortalinnik nioqquteqarsinnaanermut akuersissummik type A-mik Pisiffik Qinngorput sinnerlugu Martin H. Golstrup qinnuteqaataa Suliffeqarnermi Kiffartuussiviup tiguaa. Pisiffik inini nutaani Hans Lyngip Aqquserna 22, 3905 Nuussuarmiittumi inissisimalissaaq.

Qatserisartut takuniaasinnaasimangillat, niuertarfissaq juni 2018 aatsaat piareertussatut naatsorsuutigineqarmat, taamaattumillu qinnuteqartoq Kommuneqarfik Sermersuumiit atuinissamut akuersissummik tunineqarnikuunngilaq.

Imaappoq, imigassamik tuniniaasinnaanermut akuersissummik tunineqarnissamut qinnuteqartup inatsimmi piumasarineqartut naammassinngilai.

Init imigassanik aalakoornartulinnik nioqquteqartarfiit sassaallertarfiillu aaqqissuuneqarneri atorneqarnerilu pillugit Namminersornerullutik Oqartussat Nalunaarutaat nr. 19 ulloq 29. marts 1990-imeersoq § 2 malillugu ima aalajangersaqarpoq:

”Init imigassanik aalakoornartulinnik nioqquteqarfittut sassaallertarfittullu atorneqalinnginnerini akuersissutit makku pissarsiarineqareersimassapput

- 1) sanaartukkanik nakkutilliisumit (kommunip atuisinnaanermut akuersissutaa),
- 2) ikuallattorsinnaanermut nakkutilliisut akuersissutaat,
- 3) peqqinnissamut oqartussat akuersissutaat,
- 4) Sulinermit Nakkutilliisoqarfiup akuersissutaa kiisalu namminersorluni inuutissarsiorfeqarnermut akuersissut aammalu imigassamik nioqquteqarsinnaanermut akuersissut.”

Sumiiffiit pineqartut pillugit politiinut naammagittaalliuuteqartoqaranilu oqaaseqaateqartoqanngilaq taamatuttaaq Meeqqanut Ilaqutariinnullu Ingerlatsivik oqaaseqaateqarani. Peqqissuseq pitsaaliuinerlu pillugit ingerlatsivik, sanaartormi nakkutillivimiit kiisalu ikuallattorsinnaanermut nakkutilliisunik oqaaseqaatanik tigusaqanngilagut.

Niuertarfissaq juni-mi nutserfiginissaa naatsorsuutigineqarpoq taamaasillunilu SPAR qinngorpumiitoq matuneqassalluni.

Kommuneqarfik Sermersuumi Kommunalbestyrelse tunngaviusumik akuersissuteqartarnermut atatillugu politikki malillugu imigassamik sassaallersinnaanermut qinnuteqaatinut itigartitsinermi tulliuuttut tunngavigneqartarput:

- Suliffeqarfanni kantiinat imigassa qarfiussanngillat
- Innuttaasunut illut ataatsimoortarfiusut imigassallerfiussanngillat
- Cafeteriat, kaffi aamma grillbarit sassaalliisarfiillu assigisaat imigassanik kimittuunik tuniniaasussaasariaqanngillat. Taamaattorli sassaalliisartut imigassanik kimikitsunik sassaallertarnissaannut Kommunalbestyrelsimit aalajangerneqarsinnaavoq.

Suliali ataasiakkaat naliliiffigineqartassapput aalajangersimasumik nalilersuinissamut periarfissaqartassammat.

Kommuneqarfik Sermersuumi imigassamik sassaallersinnaanermut akuersissuteqarnermik aalajangersimasumik periusaavoq akuersissuteqartarnermut atatillugu kommunalbestyrelsip politikkini malillugu assigiissaarinissamut toqqammaviusoq tulliuuttut tunngavigalugit allatut aalajangiissalluni:

- Najugaqarfiit eqqaanni sassaalliisarfiit nutaat Kommunalbestyrelsimit illoqarfiup pilersaarusiorneqarnera naapertorlugu itigartissallugit nalunaarfigisinnaavai.
- Sumiiffinni arlalinnik sassaalliisarfeqartoqarpat Kommunalbestyrelsimit itigartitsissutigineqarsinnaavoq, assersuutigalugu nutaamik sassaalliisartoqalerpat akuersissutinik peqartut akornanni unammillernissaasa annertusinissaat taamaalillutillu sakkortuumik sassaalliiniarnerat pisinnaasoq annilaanngatigineqarsinnaammat.

Pisuni allani tamakkiisumik naliliinerit tunngavigalugit imigassartormi naleqquttumik ileqqoqarnissap qulakkeerneqarnissaanut inuiaqatigiinnut sammisumik ataqatigiittoqarnera tunngavigalugu Kommunalbestyrelse aalajangiisassaaq:

- Inuit ataatsimoortarfeqarnerat tunngavigalugu Kommunalbestyrelsimit itigartitsisoqarsinnaavoq, sassaalliiniartut assersuutigalugu timersortarfiit assigisaannullu allanut qanittumi inissisimappata, taakkuummatami inuusuttunit ornigarneqarluartut.

Aaqqiissutissatut siunnersuut – suliartigut naliliineq

Pisiffik Qinngorput imigassamik nioqquteqarnissamut akuersissummik tunineqarnissamut piumasaqaatit maannakkut naammassinngilai.

Akerlianik imigassanik nioqquteqarsinnaanermut akuersissutit pillugit Namminersornerullutik Oqartussat Nalunaarutaat nr. 4. ulloq 29. maj 1992-imeersoq naapertorlugu imigassamik tuniniaasinnaanermut akuersissummik piffissami killigaasumik Aningaasaqarnermut Inuussutissarsiornermullu Ataatsimiititaliamiit tunniussisoqarsinnaavoq.

” § 10. Kommunalbestyrelsi akuersissuteqarnissamut siumoortumik neriorsuereersinnaavoq inuk ingerlatseqatigiiffilluunniit suliffimmik imigassanik aalakoornartulinnik nioqquterqarfiulluniluunniit

sassaallersiusinnaasumik pilersitsinissamut pilersaaruteqarpat. Siumoortumik neriorsuuteqarneq piffissamut killilerneqartassaaq.

Imm. 2. Siumoortumik akuerineqaqqulluni qinnuteqaat akuersissummik qinnuteqaatitulli nalinginnaasutut allatut suliarineqassaaq. Taamaattumik siumoortumik neriorsuuteqarnermi aamma immikkut piumasaqaateqartorqarsinnaavoq.”

Akuersissutip atorunnaanginnerani Pisiffik Qinngorput imigassamik nioqquteqarsinnaanermut akuersissummik ataavartumik peqalernissaanut Aningaasaqarnermut Inuussutissarsiornermullu Ataatsimiititap isummerfigissavaa. Kisianni tamanna pisariaqassanngilaq Pisiffik Qinngorput imigassamik nioqquteqarsinnaanermut akuersissumik type A-mik tunineqarnissaa Aningaasaqarnermut Inuussutissarsiornermullu Ataatsimiititap tunngaviusumik aalajangerpagu, peqatigitillugu borgmesteri pisortaanerullu ataatsimoorlutik qinnuteqartup inatsimmi piumasaqaatit naammassippagit imigassamik nioqquteqarsinnaanermut akuersissut tunniutissagaat piginnaatitsissutigineqassaaq.

Aningaasaqarnikkut sulisoqarnikkullu naliliinerit

Kommuneqarfik Sermersuumut aningaasatigut sulisoqarnikkullu kinguneqarnaviannngilaq.

Inatsisitigut tunngavissaq allakkallu tunngaviusumik uppersaataitallit

- Imigassaq pillugu Inatsisartut Inatsisaat nr. 35, 23. november 2017-imeersoq
- Init imigassanik aalakoornartulinnik nioqquteqartarfiit sassaallertarfiillu aaqqissuunneqarneri atorneqarnerilu pillugit Namminersornerullutik Oqartussat Nalunaarutaat nr. 19 ulloq 29. marts 1990-imeersoq
- Imigassanik nioqquteqarsinnaanermut akuersissutit pillugit Namminersornerullutik Oqartussat Nalunaarutaat nr. 4 ulloq 29. maj 1992-imeersoq
- Kommuneqarfik Sermersuumi imigassanik aalakoornartortalinnik nioqquteqartarneq sassaallertarnerlu pillugit Namminersorlutik Oqartussat nalunaarutaat nr. 4, 4. marsi 2011-meersoq

Ingerlariaqqinnissaq

Suliffeqarnermi Kiffartuussiviup Aningaasaqarnermut Inuussutissarsiornermullu Ataatsimiititap aalajangernera pillugu qinnuteqartoq paasissutissikkumaarpaa, tassungalu atatillugu uppersaatait suliaralugit.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqaqatigiinneq

Soqanngilaq

Ingerlatsivinniit allaniit oqaaseqaatigineqartut

Qulaatungaani allaaserineqarput.

Ilanngussat

Soqanngilaq

IMMIKKOORTOQ 5: Suliat Kommunalbestyrelsimut ingerlateqqitassat

IMMIKKOORTOQ 05A: Qamuteralaat pillugit ileqqoreqqusaq

Beslutning

Ilisimatitsissut tusaatissatut tiguneqarpoq aammalu suliaq Kommunalbestyrelsimut ilisimatitsissutitut ingerlateqqinneqarluni, imannak oqaasertalerlugu:

- Sumiiffik pineqartoq (qamuteralannik aqutigineqaqqusaanngitsoq) suliap Kommunalbestyrelsip ataatsimiinnissaanut ingerlateqqinneqarneranut ilanngullugu takussutissiarineqassasoq.

Qamuteralaat pillugit ileqqoreqqusaq

Killiffik suleqqinnissarlu

Ilisimatitsissut

J.nr.: 16.08-P25-1-17

Sanarfinermut Avatangiisinullu Ingerlatsivik - pisortaq Hans Henrik Winther Johannsen / HHWJ

Suliassamik eqikkaaneq

Sanarfinermut Avatangiisinullu Ingerlatsiviup qamuteralaat pillugit ileqqoreqqusamut killiffik matumuuna ilisimatitsissutigaa.

Imeqarfiit killeqarfiinut tunngasut pissutaallutik aamma imeqarfiup killeqarfiatigut (Kuuit tatsillu, imermik pilersuineranut atornerqartut nunataanni imeqarfinnut killeqarfissat) assartuisinnaanermut tunngasumik ullumikkut atuuttumik nalunaarummik peqannginnera pissutaalluni suliaq sivisuvoq.

Sanarfinermut Avatangiisinullu Ataatsimiititap ilisimatitsissut 14. maj 2018 ataatsimiinnerminni tusaatissatut tiguaat aammalu Aningaasaqarnermut Inuussutissarsiornermullu Ataatsimiititamat Kommunalbestyrelsimullu ilisimatitsissutitut ingerlateqqillugu.

Inassuteqaatit

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq, aammalu
- ilisimatitsissut Kommunalbestyrelsimullu ilisimatitsissutitut ingerlateqqinneqassasoq.

Suliassamik saqqummiussineq

Sanarfinermut Avatangiisinullu Ingerlatsiviup qamuteralaat pillugit ileqqoreqqusap piffissami sivisuumi suliarineqarsimasup killiffianik ilisimatitsissut matumuuna saqqummiuppaa.

Kommuneqarfik Sermersuup ileqqoreqqusassatut siunnersuut piffissami 19. december 2016-imiit 6.februar 2017-imut tusarniutigaa. Tusarniutigineqarnerata nalaani ilaatigut Pinngortitaleriffiup tusarniummut akissutaanik ingerlatsivik tigusaqarpoq, tassani sumiiffimmik aamma allamik qamuteralannik aqutigineqassanngitsumik kissaateqarluni. Sumiiffik taanna ima annertutigaaq, siunnersuutip nutaamik tusarniutigineqarnissaa pisariaqarluni, tamanna ingerlatsiviup maanna piareersaleruttorpaa.

Tusarniuteqarnerup ingerlanerani aamma Namminersorlutik Oqartussat inatsisileriffianit suliap ingerlanera pillugu allaaserisamik ingerlatsivik tigusaqarpoq, tassani nassuiarneqarluni kommunimi siunissami ileqqoreqqusanut tunngasunik periuserineqartalertussat. Taakku periuserisartagaat naapertorlugu nutaamik tusarniaasoqannginnerani naalakkersuisoqarfiit attuumassuteqartut tusarniaaffigineqaqqaartatut.

Suliffeqarfiup iluani tusarniaasarnermi ingerlatsiviup qinnuteqaatigaa, imeqarfiup killeqarfiini atornerqanngitsuni aqqusiortoqarnissaaq. Aqutissammi taakku ilaangippata qamuteralaat pillugit ileqqoreqqusaq ataatsimut isigalugu iluatsissinnaanngilaq.

Ingerlatsiviup qinnuteqaataa itigartinneqarpoq, imeqarfiup killeqarfiata (maannakkut atunngitsup) atorunnaarsinneqarnissaanik Namminersorlutik Oqartussat ingerlatsiviup maanna

oqaloqatigileruttorpaa, imaluunniit aamma imeqarfiup killeqarfia aqqusaarlugu ingerlasoqarsinnaanerani ajornartitsinngitsumik Namminersorlutik Oqartussat nutaamik nalunaarusiorsinnaavoq. Tassunga assingusumik Sisimiut pillugu Namminersorlutik Oqartussat nalunaarusiornikuuvoq, tassanilu imeqarfiup killeqarfia aqqusaarlugu qamuterallannik angalanneq ajornartinneqanngilaq.

Aaqqiissutissatut siunnersuut – suliatigut naliliineq

Ingerlatsiviup Namminersorlutik oqartussanik oqaloqateqarnerit ingerlappai, nunaannarmilu qamuterallannik angallannerup ajornarunnaarsinneqarnissaanut ileqqoreqqusaqalernissaq sapinngisamik piaartumik pisinnaaqqullugu nalunaarummik suliaqarnissamut ikiuukkusulluni.

Aningaasaqarnikkut sulisoqarnikkullu naliliinerit

Ileqqoreqqusaliorneq kommunimut pilersaarummik suliaqarnermut ilaammat pilersaarusiornermut missingsuutitigut annerusumik sunniuteqartitsissanngilaq.

Inatsisitigut tunngavissaq allakkallu tunngaviusumik uppersaatitallit

Assartuutit motorinik ingerlatillit atornerarneri pillugit Namminersorlutik Oqartussat nalunaarutaat nr. 10, 10. oktober 2013-imeersoq

Ingerlariaqqinnissaq

Killissarititaasut inissinneqareeriarpata qamuterallaat pillugit ileqqoreqqusaq nutaaq tusarniutigineqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaateqartitsisoqanngilaq.

Siornatigut aalajangerneq

Sanarfinermut Avatangiisinullu Ataatsimiititap 14. Maj 2018-imi aalajangernera:

Ilisimatitsissut tusaatissatut tiguneqarpoq, aammalu Aningaasaqarnermut Inuussutissaqarnermullu Ataatsimiititamut Kommunalbestyrelsimullu ilisimatitsissutitut ingerlateqinneqarluni.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinniit allaniit oqaaseqaatigineqartut

Ingerlatsivinnit allaniit oqaaseqaateqartitsisoqanngilaq.

Ilanngussat

Ilanngussaqaqanngilaq.

IMMIKKOORTOQ 05B: Kommunitut pilersaarummut tapiliussap 1A20-1, “Qatannutigiiinguit pingasut”, Nuummiittup, inaarutaasumik akuerineqarnera

Beslutning

Inassuteqaatit akuerineqarput.

Ilanngussat

Bilag 1 KAL.pdf

Bilag 2 KAL.pdf

Bilag 3 KAL.pdf

Kommunimut pilersaarummut tapiliussap 1A20-1, “Qatanngutigiiinguit pingasut”, Nuummiittup, inaarutaasumik akuerineqarnera

Aalajangiiffissaq

J. nr: 16.03.01.01-P16-3-18

Sanarfinermut Avatangiisinullu Ingerlatsivik - pisortaq Hans Henrik Winther-Johannsen / HHWJ

Suliassamik eqikkaaneq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1A20-1, “Qatanngutigiiinguit pingasut”, Nuuk, akuersissutigisassanngorlugu matumuuna saqqummiunneqarpoq.

Siunnersuut inissianik assigiinngitsunik angissusilinnik 60-it missiliorlugit amerlassusilinnik pilersitsinissamut periarfissiissaaq. Ullumikkut sanaartorfissatut toqqavik inuussutissarsiornissamut soqutiginnittunit atorineqarpoq.

Siunnersuut kommunimut pilersaarummut naapertuuppoq, sumiiffik tamaviat inissialorfissatut immikkoortitaammat.

Sanarfinermut Avatangiisinullu Ataatsimiititap suliaq 14. maj 2018 ataatsimiinnerminni akueraat aammalu Aningaasaqarnermut Inuussutissarsiornermullu Ataatsimiititamut Kommunalbestyrelsimullu ingerlateqqillugu.

Inassuteqaatit

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Kommunimut pilersaarummut tapiliussaq 1A20-1, “Qatanngutigiiinguit pingasut”, akuersissutigineqassasoq, aammalu
- pilersaarummut tapiliussaq Kommunalbestyrelsimut inaarutaasumik akuerisassanngorlugu ingerlateqqinneqassasoq.

Suliassamik saqqummiussineq

Kommunimut pilersaarummut tapiliussaq suliarineqarpoq suliassap "Qatanngutigiiinguit pingasut, inissiat Nuummiittut, Svend Jungep Aqqutaa". Sanaartugassatut qinnuteqaatit

Kommunalbestyrelsimut ulloq 10. april 2018-imi pilersaarusiornermut inatsisip 1. januari 2016-imi allangortinnera naapertorlugu akuersissutigineqarput.

Kommunimut pilersaarummut tapiliussatut siunnersuut inissianik assigiinngitsunik angissusilinnik 60-it missiliorlugit amerlassusilinnik, illunut pingasunut quleriinnik 7-nik portutigisunik pilersitsinissamut periarfissiissapput. Siunnersuummut illut akornanni illoqannginnersami naasuliviliornikkut (mistbænk), oqquiffissaliornikkut ujarassuarnik issortalersuinikkut nunagissaaneq ilaavoq.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsiviup inissiaqarfissaq nutaaq kommunimut pilersaarummut 2028 naapertuuttut nalilerpaa. Kommunimut pilersaarummi sumiiffik inissiaqarfissatut

immikkoortitaavoq, tassanilu Nuummi attanneqarsinnaasumik illoqarfimmik ineriartortitsinissamut pingaarnertut najoqqutassatut akulikinnerusunik sanaartornissaq qitiutinneqarpoq. Pilersaarummilu inissialiassat quleriinnik 7-inik portussuseqarneri sumiiffimmut tulluarluinnarput. Pilersaarummilu sanaartorfigineqanngitsut ilaatigut naasuliviit (mistbænk) varmespiralilersukkat naasullu pioreersut atorlugit ujarassuarnik nunagissaanissaq eqqarsaatigineqarsimallutik. Sumiiffik tamanut, illut tunuaniittumut qaqqajunnamut aqqusineeqqamik pilersitsiffiunissaa soqutiginnittup pilersinniarpaa.

Aningaasaqarnikkut sulisoqarnikkullu naliliinerit

Kommunimut pilersaarummut tapiliussamik siunnersuusiorneq aningaasatigut kinguneqartitsissanngilaq.

Inatsisitigut tunngavissaq allakkallu tunngaviusumik uppersaatitalit

Pilersaarusiorneq aamma nunaminertat atorineqartarneri pillugit Inatsisartut inatsisaat nr. 17, 17. november 2010-imeersoq aamma Inatsisartut inatsisaat nr. 34 9. decemberi 2015-imeersoq Kommunimut pilersaarut digitaliusoq www.sermersooq2028.gl

Ingerlariaqqinnissaq

Kommunimut pilersaarummut tapiliussaq inaarutaasumik akuersissutigineqareerpat, pilersaarut kommunip nittartagaatigut, Nuuk Ugeavisikkut aamma www.sermersooq2028.gl-ikkut, tamanut saqqummiunneqassaaq. Tamatuma saniatigut ingerlatsiviup pilersaarut akuerisaq oqartussanut attuumassuteqartunut nassiuatissavaa, Namminersorlutik Oqartussat nassiuussivissatut allattorsimaffia naapertorlugu.

Aningaasaqarnermut Allatseqarfimmit oqaaseqaatit

Suliassamik saqqummiussaq qulaani pineqartoq Aningaasaqarnermut Allatseqarfimmit innersuussutigineqarpoq, pilersaarutillu taama ittut pillugit illoqarfimmi inuussutissarsiutinik ingerlataqartut ataatsimoorussinerat nuannaarutigalugu.

Siornatigut aalajangerneq

Sanarfinermut Avatangiisinullu Ataatsimiititap 14. Maj 2018-imi aalajangernera:
Inassuteqaatit akuerineqarput.

Innuttaasunik peqataatitsineq/attaveqaaqatigiinneq

Kommunimut pilersaarummut tapiliussatut siunnersuut piffissami 28. marts 2019- 9. maj 2018, sapaatip akunnerini 6-ni tusarniutigineqarpoq, tusarniummullu akissutit 3 piffissaasukkut tiguneqarput, taakkulu pilersaarummik nalilersueqqinnissamut pissutissiinnngillat. Ingerlatsiviup suliarinninnera ilanngussaq 1-imi takuneqarsinnaavoq.

Ingerlatsivinnit allaniit oqaaseqaatit

Ingerlatsivinnit allaniit oqaaseqaateqartitsisoqanngilaq.

Ilanngussat

1. Tusarniaanermut akissutitut ingerlatsiviup suliaqarnera
2. Tusarniaanermut akissutit
3. Kommunimut pilersaarummut tapiliussaq 1A20-1, Qatanngutigiiinguit pingasut, Nuuk

IMMIKKOORTOQ 05C: Kommunitut pilersaarummut tapiliussap, 2B2-4 Qeqertat 2020, Nuuk, Nuussuup illoqarfiata ilaa, inaarutaasumik akuersissutigineqarnera

Beslutning

Inassuteqaatit akuerineqarput.

Ilanngussat

Ilanngussaq1_Tusarniaanermut akissutit ingerlatsiviup suliaqarnera.pdf

Ilanngussaq2_Tusarniaanermut akissutit.pdf

Ilanngussaq3_KPT_2B2-4_Qeqertat2020_KAL.pdf

Kommunimut pilersaarummut tapiliussap, 2B2-4 Qeqertat 2020, Nuuk, Nuussuup illoqarfiata ilaa, inaarutaasumik akuersissutigineqarnera

Qeqertani umiarsualiviup nunaminertaani sanaartugassatut qinnuteqaatit tunngavigalugit kommunimut pilersaarummut tapiliussaq.

Aalajangiiffigisassaq

J.nr.: 16.03.01.01

Sanarfinermut Avatangiisinullu Ingerlatsivik - pisortaq Hans Henrik Winther Johannsen / HHWJ

Suliassamik eqikkaaneq

Sanarfinermut Avatangiisinullu Ingerlatsiviup matumuuna Kommunimut pilersaarummut tapiliussap 2B2-4, Qeqertat 2020, Nuuk, Nuussuup Illoqarfiata ilaa, inaarutaasumik akuersissutigisassanngorlugu saqqummiuppaa.

Qeqertani umiarsualiviup nunaminertaani sanaartugassatut qinnuteqaatit inaarutaasumik akuersissutigineqarnissaat tunngavigalugit kommunimut pilersaarummut tapiliussaq suliarineqarpoq. Sanaartugassatut qinnuteqaatit Kommunalbestyrelsimiit 21.november 2017-imi pilersaarusiornermut inatsisip 1. januar 2016-imi allannngortinnera naapertorlugu akuersissutigineqarput.

Sanaartugassatut qinnuteqaatini siunertarineqartut piviusunngortinnissaat kommunimut pilersaarummut tapiliussassaq naapertorlugu periarfissaalissaaq. Pilersaarutissatut siunnersuutitigut aalajangersakkanik aalajangersaasoqassaaq, taakkulu naapertorlugit sanaartugassatut qinnuteqaatinut ilaasut nunaminertat pilersaarummi ataatsimoorussami aamma Kommunalbestyrelsimiit kissaatigineqartut akuersissutigineqarnerisigut inerisarneqassapput. Matumani immikkoortup attaveqarnerata takuneqarsinnaasullu sanaartorneqarnera ilanngullugu. Peqatigitillugu pilersaarut naapertorlugu Nuummi containereqarfiup inerisarneqarnissaanut pilersaarutaasimasup ingerlateqqinnissaa qulakkeerneqassaaq, kiisalu nunaminertat kommunimut imaluunniit ineriartortitsinermut ingerlateqqatigiiffimmit kommunip pigisaanit atorineqarsinnaallutik ilaatigut inuussutissarsiuteqarnermut atorineqarsinnaallutik.

Kommuneqarfik Sermersuup Illoqarfiit pingaarnersaat pillugu periusissiaq aamma kommunimut pilersaarut 2028 naapertorlugit Nuummi inuussutissarsiuteqarfiup inerisarneqarnissaanut Kommunalbestyrelsimiit takorluugaanut kommunimut pilersaarummut tapiliussaq naapertuuppoq.

Sanarfinermut Avatangiisinullu Ataatsimiititap suliaq 14. maj 2018 ataatsimiinnerminni akueraat aammalu Aningaasaqarnermut Inuussutissarsiornermullu Ataatsimiititamut Kommunalbestyrelsimullu ingerlateqqillugu.

Inassuteqaatit

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Kommunimut pilersaarummut tapiliussaq 2B2-4, Qeqertat 2020 akuersissutigineqassasoq, aammalu
- suliaq Kommunalbestyrelsimut inaarutaasumik akuerisassanngorlugu ingerlateqqinneqassasoq.

Suliassamik saqqummiussineq

Qeqertani Nuummi sanaartugassatut qinnuteqaatit pillugit Sanarfinermut Avatangiisinullu Ingerlatsiviup inassuteqaataa Kommunalbestyrelsip ulloq 21. november 2017-imi ataatsimiinnermini akuersissutigissallugu aalajangiuppaa. Sanaartugassatut qinnuteqaatinut akerlilliissutit ingerlatsivimmit suliarineqarneri aamma tusarniaanerup nalaani periarfissatut sanaartugassat nassiunneqartut atulersinneqarnissaat tunngavigalugit inassuteqaatit akuersissutigineqarput. Kommunalbestyrelsip akuersissuteqarnerata kingorna nunaminertap inaarutaasumik atulersinneqarnissaa siunertaralugu soqutigisaqaqatigiit ataatsimoortillugit ingerlatsivimmit ataatsimeeqatigineqarput, kiisalu Kommunalbestyrelsimit piumasaqaataasut soqutigisaqaqatigiinnillu kissaataasut pitsaanerpaamik aaqqiiviginiarlugit soqutigisaqaqatigiit tamarmik immikkut ataatsimeeqatigineqarlutik.

Immikkoortup ataatsimoortumik pilersaarusiorneqarnissaa qulakkeerniarlugu, Kommunimut pilersaarummut tapiliussaq 2B2-3-mi maleruaqquneqartut aalajangersakkallu atuuttut sanaartugassatut qinnuteqaatinut ilaatinneqanngitsut nunaminertat pillugit pilersaarummut matumunnga nuunneqarput. Taamaalilluni kommunimut pilersaarummut tapiliussaq 2B2-4 naapertorlugu sanaartugassatut qinnuteqaatit piviusunngortinneqarnissaat periarfissaalissaaq, nunaminertat kommunimit imaluunniit ineriartortitsinermut ingerlatseqatigiiffimmit kommunip pigisaanit atorneqarsinnaallutik inuussutissarsiutinullu allanut ineriartortinneqarsinnaassallutik, kiisalu Nuummi containereqarfiup umiarsualiviup ineriartortinnissaanut periarfissat pillugit pilersaarutaasup atuuttup ingerlateqqinnissaa qulakkiissallugu.

Kommunimut pilersaarummut tapiliussassatut siunnersuut naapertorlugu immikkoortup ilaata killeqarfia iluarsineqassaaq, pissutigalugu immikkoortup ilaa pilersaarummi "Nuuk Nutaamik Pingaarnertut Aaqqissuunneqarnera"-ni nunaminertanik nutaanik ilanngussisoqarneratigut annikillisinneqarmat. Immikkoortuttaaq pilersaarusiortiusup iluani immikkuualuttut pilersaarummit matumunnga iluarsineqassapput. Immikkuualuttoq una ima ilaneqassaaq:

Immikkuualuttoq A: Immikkuualuttumi Sikuki umiarsuarlut containerinik usisunut umiarsualivilioreerneratigut sanaartorfiusinnaasut ilaani sanaartorfioerpoq. Sanaartorfissat ullumikkut atorneqarneratut atorneqaannassapput. Sanaartorfissaq 1 kommunimut pilersaarummut tapiliussamit matumunnga iluarsineqassaaq siunissamilu alliliinissamut periarfissat qulakkiissallugit. Immikkuualuttumi sanaartorfissat sanaartorfineqarnerini annerpaamik 50 %-iutinneqassapput portunerpaaffialu 32,5 meteriutinneqassalluni.

Immikkuualuttoq B: Immikkuualuttumi sanaartorfissat pilersaarusiornissamik siunnersuutit qinnuteqaatigineqartut naapertorlugit aalajangersarneqassapput, taakkulu piviusunngortissinnaanngorlugit. Sanaartorfissat nutaat qulit pilersinneqarput, tassa immikkuualuttumi inuussutissarsiutit siunertanut. Illuliat portunerpaamik 18 meteriusut nunaminertat agguanneqartut akornanni immikkuualuttumi sanaartorfissat 1/3-iisa aamma 2/3-iisa akornanni sanaartorneqarsinnaapput. Taamaattoq sanaartorfissat 30 %-iini portussuseq 26 meteri akuerineqarpoq.

Immikkuualuttoq B-mi soqutigisaqaqatigiit sanaartorfiuminarsaanermut pilersaarummik suliaqarnissaanut pisussaapput, tassanilu immikkoortup sanaartorfiuminarsarnissaa pingaarnertut nassuiaatigissallugu. Immikkuualuttoq B-mi sanaartugassatut qinnuteqaatit

akuersissutigineqarnerini Kommunalbestyrelsip piunasaqaatai naapertorlugit aalajangersakkanik aalajangersaasoqarpoq. Matumani immikkuualuttup avannaatungaani qeqqani ataatsimoorfiusumi sanaartoqqusaanermut piunasaqaateqarnermi, nunaminertat atuuffiusut atajuartussamik qalliuserneqassapput taavalu ataatsimut allagartarsualersorneqassallutik, ungaluusat aalajangersimasut atorneqarlutik aamma qullilersuisoqarluni.

Immikkoortup kiassaateqarfissaanut sanaartorfissaliisoqarpoq Usisaallu tamatumani assingusumik kiassaateqarfimmik pilersitsinissaminut kissaateqarluni. Kommunip, Nukissiorfiit immikkoortumilu soqutiginnittut akornanni oqaloqatigiinnikkut immikkoortup kiassarneqarnissaa ersarissaavigineqassaaq.

Immikkuualuttoq C: Inuussutissarsiuteqarnermik suliffeqarfinnut, umiarsualivimmi inuussutissarsiutinut kiisalu inaalitsivinnut atugassaavoq. Sumiiffik ullumikkut illulianik sanaartorfioreerpoq, inissallu atorneqarsinnaasut tamakkerneqarsimallutik. Immikkoortumi portunerpaamik 15 meterinik sanaartortoqarsinnaavoq.

Immikkuualuttoq D: Sumiiffik attaveqaatinut atortulersuutinut atugassanngortinneqassaaq, soorlu sapusiaq aamma Qeqertat Pukuffillu aqquaternissaannut ikaartarfik, taakku maanna sanaartorneqarput.

Aaqqiissutissatut siunnersuut – suliatigut naliliineq

Nuummi inuussutissarsiuteqarfiup inuussutissarsiortullu inerisaqqinnissaannut Kommuneqarfik Sermersuup Illoqarfiit pingaarnersaat pillugu periusissiaani kommunimullu pilersaarummi politikkikkut pingaarnersiugaasoq naapertorlugu kommunimut pilersaarummut tapiliussassatut siunnersuutitigut matumuuna periarfissaalissasoq Sanarfinermut Avatangiisinullu Ingerlatsivimmit naliliisoqarpoq. Pilersaarummi aalajangersakkat naapertorlugit immikkuualuttoq B-mi sanaartugassatut qinnuteqaatit piviusunngortinniarneri immikkoortumi attaveqarneq takuneqarsinnaasullu pillugit ataatsimut najoqqutarineqartut malillugit pissasoq qulakkeerneqassaaq. Peqatigitillugu illoqarfimmi qitiusumi inissisimasumi ataqatigiissumik inuussutissarsiuteqarfimmik pilersitsisoqassaaq. Peqatigitillugu pilersaarut naapertorlugu nunaminertaq kommunimit imaluunniit ineriartortitsinermut ingerlatseqatigiiffimmit kommunip pigisaanit atorneqarnissaa qulakkeerneqassaaq, taamaattoqarneratigut soqutigisaqatigiit amerlanerusut nutaanillu inuussutissarsiuteqartut pilersitsisinnaallutik immikkoortumilu neqeroortugineqartut atuuffillu inerisarnissaannut peqataallutik. Pilersaarut naapertorlugu siunissami qaninnerusumi ungasinnerusumilu inuussutissarsiuteqarnikkut illoqarfiullu inerisarnissaatigut periarfissanik assigiinngitsunik ammaassisoqassaaq. Soqutigisaqatigiit sanaartugassatut qinnuteqaataat matumani ilaatinneqartut pilersaarutit aallartissinnaavaat, siunissamilu qaninnerusumi ilaatigut sanaartornissamik pisussaaffiliisoqartussaalluni. Peqataanillu Nuummi containereqarfiup ineriartorteqqinnissaanut periarfissat ammaanneqassapput taamaaliorqarnerani piffissami sivilisunerusumi atuussinnaalluni.

Aningaasaqarnikkut sulisoqarnikkullu naliliinerit

Kommunimut pilersaarummut tapiliussap suliarineqarnera aningaasatigut kinguneqartitsissanngilaq. Immikkoortumi kommune / ineriartortitsinermut ingerlatseqatigiiffimmik kommunimit pigineqartoq nunaminertamik piginnittuutitaammat, immikkoortuni sanaartorfiguiminarsaanermut siunissami ungasinnerusumi aningaasanik immikkoortitsisoqassaaq. Aningaasat amerlassusaat siunissami aalajangersarneqassapput, kommunillu sanaartornermut

pilersaarusiaata ilaani takuneqarsinnaassalluni, imaluunniit illoqarfiup ineriartortinneqarnissaanut ingerlatseqatigiiffik aqputigalugu pissalluni.

Inatsisitigut tunngavissaq allakkallu tunngaviusumik uppersaatitalit

Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq & Inatsisartut inatsisissaat nr. 34, 9. december 2015-imeersoq
Kommunimut pilersaarut digitalusoq www.sermersooq2028.gl

Ingerlariaqqinnissaq

Kommunimut pilersaarummut tapiliusaaq Aningaasaqarnermut Inuussutissarsionermullu Ataatsimiititami akuersissutigineqareerpat Kommunalbestyrelsimut inaarutaasumik akuersissutigisassanngorlugu ingerlateqqinneqassalluni.

Kommunimut pilersaarummut tapiliusaaq inaarutaasumik akuersissutigineqareerpat, pilersaarut kommunip nittartagaatigut, Nuuk Ugeavisikkut aamma www.sermersooq2028.gl-ikkut, tamanut saqqummiunneqassaaq. Tamatumani saniatigut ingerlatsiviup pilersaarut akuerisaq oqartussanut attuumassuteqartunut nassutissavaa, Namminersorlutik Oqartussat nassiuussivissatut allattorsimaffia naapertorlugu.

Aningaasaqarnermut Allatseqarfimmit oqaaseqaatit

Suliassamik saqqummiusaaq qulaani pineqartoq Aningaasaqarnermut Allatseqarfimmit innersuussutigineqarpoq, pilersaarutillu taama ittut pillugit illoqarfimmi inuussutissarsiutinik ingerlataqartut ataatsimoorussinerat nuannaarutigalugu.

Siornatigut aalajangerneq

Sanarfinermut Avatangiisinullu Ataatsimiititap 14. Maj 2018-imi aalajangernera:
Inassuteqaatit akuerineqarput.

Innuttaasunik peqataatitsineq/attaveqaqatigiinneq

Kommunimut pilersaarummut tapiliussumut siunnersuut, piffissami 28.03.2018-09.05.2018, sapaatip-akunnerini arfinilinni tusarniaassutigineqarpoq, tusarniaanerullu nalaani akerlilliissutit oqaaseqaatillu 7-it tiguneqarput. Ingerlatsiviup suliarinninnera ilanngusaaq 1-imi takuneqarsinnaavoq. Tusarniaareernerup kingorna kommunimi pilersaarummut tapiliussumi annikitsunik iluarsisuteqartoqarpoq.

Tusarniaanerup nalaani illoqarfimmik inerisaanermut immikkoortortaq sanaartugassanut qinnuteqartunik soqutigisaqaqatigiinnik ulloq 18.04.2018 ataatsimiisitsivoq. Ataatsimiinnermi kommunimut pilersaarummut tapiliusaaq illoqarfimmik inerisaanermut immikkoortortamit saqqummiunneqarpoq, soqutiginnittullu pilersaarummut apeqquteqarnissaminut periarfissinneqarlutillu akerliliinissamat periarfissanik erseqqissaavigineqarput. Tamanna allannguuteqarnissamat tunngavissiiingilaq.

Ingerlatsivinnit allaniit oqaaseqaatit

Ingerlatsivinnit allaniit oqaaseqaateqartitsisoqanngilaq.

Ilanngussat

1. Tusarniaanermut akissutinut ingerlatsiviup suliaqarnera
2. Tusarniaanermut akissutit

3. Kommunitum pilersaarummut tapiliusseq 2B2-4, Qeqertat 2020

IMMIKKOORTOQ 05D: Kommunitut pilersaarummut tapiliussap 4E2-1, Niaqornannguup, inaarutaasumik akuerineqarnera

Beslutning

Inassuteqaatit akuerineqarput.

Ilanngussat

Bilag 1 KAL.pdf

Bilag 2 KAL.pdf

Bilag 3 KAL.pdf

Kommunimut pilersaarummut tapiliussap 4E2-1, Niaqornannguup, inaarutaasumik akuerineqarnera

Aalajangiiffigisassaq

J.nr.: 16.03.01.01-P16-5-18

Sanarfinermut Avatangiisinullu Ingerlatsivik - pisortaq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummut tapiliussaq 4E2-1, Niaqornannguuaq inaarutaasumik akuersissutigineqartussanngorlugu Sanarfinermut Avatangiisinullu Ingerlatsivimmit matumuuna saqqummiunneqarpoq.

Siunnersuut sap.ak. arfinilinni piffissami 14. februaarimiit 28. marsi 2018-ip tungaanut tamanut tusarniutigineqarpoq, tusarniummullu akissutit pingasut piffissaasukkut tiguneqarput.

Kommunimut pilersaarummut tapiliussamut siunnersuut antenneqarfimmik pilersitsinissamut sinaakkutissanik pilersitsisoqarnissaanik kissaateqarnermik tunuliaqutaqarpoq. Qaammataasaq aqqutigalugu internetimik sukkanermik nunarsuup sinneranut kiffartuussinissamik pilersitsinissamik kissaateqarneq. Sukkasuumik internitikkut attaveqarneq akikitsumik kiffartuussissutaassaaq, taannalu nunarsuarmi sumiikkaluaraanniluunniit iserfigineqarsinnaassaaq, inuilaamiluunniit. Ingerlatsiviup pineqaatissinneqarsimasunut inissiisarfissap avannaatungaani sanaartorfissanik marlunnik atortutigut pilersaarusionermilu periusissamut tulluurtumik tikkuuasimapput. Sumiiffik kommunimut pilersaarummut atuuttumut teknikkimut atortulersuutinut atugassatut inniminniigaavoq.

Antenneqarfiup aaqjissuusaanera periarfissaqarneralu pinngortitarsuarmut Quassussuup avannaatungaaniittumut sumiiffimmullu sanaartornissamut pilersaarutaasunut tulluurtuutinneqarpoq.

Sanarfinermut Avatangiisinullu Ataatsimiititap suliaq 14. maj 2018 ataatsimiinnerminni akueraat aammalu Aningaasaqarnermut Inuussutissarsionermullu Ataatsimiititamut Kommunalbestyrelsimullu ingerlateqqillugu.

Inassuteqaatit

Sanarfinermut Avatangiisinullu Ataatsimiititap Aningaasaqarnermut Inuussutissarsionermullu Ataatsimiititamut inassuteqaatigaa:

- Kommunimut pilersaarummut tapiliussaq 4E2-1, Niaqornannguuaq, Nuummiittoq pillugu inaarutaasumik akuersissutigineqassasoq, aammalu
- Kommunimut pilersaarummut tapiliussaq akuersissutigisaq, Kommunalbestyrelsimut inaarutaasumik akuersissutigineqartussanngorlugu ingerlatinneqassasoq

Suliassamik saqqummiussineq

Kommuneqarfik Sermersooq Nuummi antenneqarfiliornissamut pissanganartumik pimoorussisumillu saaffigineqarpoq, sumiiffissaasinnaasumut pilersaarutitut killiliussaliornissamut ikiorneqarnissaq anguniarlugu. Antenneqarfik nunarsuaq tamakkerlugu sumiiffinni assigiinngitsuni nunami sananeqarsimasut 30-t ilagissavaat. Nuup nunami inissisimanera peqqutaalluni

attaveqaatitigut nunarsuup avannarliup avataani qaammataasat atorlugit attaveqarneq pitsaanerusumik periarfissaqalissaaq. Antenneqarfimmiit imaatigut kabelimut attaveqalernissaq tassuunalu nunarsuaq tamakkerlugu internetikkut sukkanerusumik attaveqalernissaq periarfissaalissalluni. Suliffeqarfimmiit Nuup nunami inissisimanera aaqqissuusaaneralu peqqutaallutik pilersitsiffissatut tulluartinneqarpoq.

Pilersaarut TelePost attaveqaqatigiinnermi aaqqissussaareersunut akisussaasoq neqerooruteqartorlu suleqatigalugu ingerlanneqassaaq.

Antenneqarfiup pineqaatissinneqarsimasunut inissiissarfissap avannaatungaani sineriammi inissisimanera kommunimi pilersaarusiame immikkoortup ilaanut 4E1-imi qaartiterutaasivissamut namminersortunut kiffartuussinnermut aqutissiarineqartussatut pilersaarutaareersumut ilanngunneqassaaq. Namminersortutik Oqartussanit allagaqaammi pilersaarutip sumiiffimmi sivisuumik najorneqartussaanginnera peqqutaalluni qaartiterutaasivissamut isumannaallisaanermi killeqarfianit pilersinneqarnera sunnerneqarnaviangitsoq allassimavoq.

Antenneqarfik peqqissutsimut kingunerlutsitsinaviangilaq. Antenneqarfik nunat tamalaat akornanni timmisartoqarnermut oqartussanit akuerineqarpoq timmisartornermullu isumannaallisaanermut sunniuteqarnaviarnani.

Aaqqiissutissatut siunnersuut – suliatigut naliliineq

Ingerlatsivimmit Nuup nunat tamalaat akornanni suliffeqarfiusumit telemi attaveqaatit iluanni pilersaarummik nutaaliorfissatut inissisimavissatut qinerneqarnerata iluaqutissaanera tuniniaanermilu periarfissaqarnera isigaat. Kommunimi pilersaarummut tapiliussap qaammataasaq atorlugu misissuinerit radarit pilersinneqarneranik ineriartortitsinerit malitseqarnissaanik periarfissaqarneq pilersaarutitut tunngasunik sinaakkutissaqarnissaa qulakkiissavaa.

Antenneqarfiup inissisimanera Nuummiit Kuanninnguanut sisorariartut, qamuterallattut sukisaarsarlutik sammisaqartut Nuup timaata tungaanut aqputaat pioreersut akornusernaviangilai.

Antenneqarfiup pilersinnissaanut nunap qaava annertunerusumik allanngortinneqarnaviangilaq. Antenneqarfiup isikkua qalipaataatalu ilusilersukkatut isikkoqarnera pinngortitamut kusanarluinnartumut naleqqussorineqarpoq.

Pilersaarusiornermi teknikkikkut immikkoortup ilaa 4E2 pilersinneqarpoq immikkoortullu ilaa 4E1 pioreersaq affanngortinneqarpoq, 4E1-illi qaartiterutaasivissamut aqutissaanullu aalajangiussat tunngasut ataanassapput.

Tusarniummut akissutit tiguneqartut kommunimut pilersaarummut tapiliussamut oqaaseqaatissaqanngillat.

Aningaasaqarnikkut sulisoqarnikkullu naliliinerit

Kommunimut pilersaarummut tapiliussamik siunnersuusiorneq aningaasatigut kinguneqartitsissanngilaq.

Inatsisitigut tunngavissaq allakkallu tunngaviusumik uppersaasatitallit

Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq

Inatsisartut inatsisaatigut nr. 34, 9. december 2015-imeersoq aamma kommunimut pilersaarut www.sermersooq2028.gl

Ingerlariaqqinnissaq

Kommunimut pilersaarummut tapiliussaq Aningaasaqarnermut Inuussutissarsionermullu Ataatsimiititamit akuersissutigineqareerpat Kommunalbestyrelsimut akuersissutigisassanngorlugu ingerlateqqinneqassaaq.

Kommunimut pilersaarummut tapiliussaq akuersissutigisaaq kommunip nittartagaanut, Nuuk Ugeavisimut aamma www.sermersooq2028.gl-imut [tamanut nalunaarutigineqassaaq](#). Tamatuma saniatigut ingerlatsiviup pilersaarut akuerisaaq oqartussanut attuumassuteqartunut nassiutissavaa, Namminersorlutik Oqartussat nassiussivissatut allattorsimaffia innersuussutigalugu.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfiup suliaq matuma siuliini pineqartoq innersuussutigaa, soqutiginarorujussuuartullu isigalugu kommunip taamatut ittumik pilersaarummik soqutiginartumik pissarsisinneqarnera.

Siornatigut aalajangerneq

Sanarfinermut Avatangiisinullu Ataatsimiititap 14. Maj 2018-imi aalajangernera:
Inassuteqaatit akuerineqarput.

Innuttaasunik peqataatitsineq/attaveqaqatigiinneq

Kommunimut pilersaarummut tapiliussatut siunnersuut piffissami 14. februaari – 28. marsi 2018 - mut tusarniutigineqarpoq, tusarniummullu akissutit pingasut piffissaasukkut tiguneqarput (ilanngussaq 1), taakkulu pilersaarummik nalilersueqqinnissamat pissutissiinngillat.

Ingerlatsivinnit allaniit oqaaseqaatit

Ingerlatsivinnit allaniit oqaaseqaateqartitsisoqanngilaq.

Ilanngussat

1. Akerliliissutinik tiguneqartunik suliaqarneq
2. Tusarniaanermut akissutit assilineri
3. Kommunimut pilersaarummut tapiliussaq 4E2-1, Niaqornannguaq

IMMIKKOORTOQ 05E: Paamiut pillugit pilersaarut tamakkiisoq

Beslutning

Inassuteqaatit akuerineqarput.

Ilanngussat

Paamiut Helhedsplan.pdf

Paamiut pillugit pilersaarut tamakkiisoq

Aalajangiiffigisassaq

J.nr.: 16.04-P20-2-17

Sanarfinermut Avatangiisinullu Ingerlatsivik - pisortaq Hans Henrik Winther Johannsen / HHWJ

Suliassamik eqikkaaneq

Paamiut pillugit pilersaarut tamakkiisoq pilersaarutaavoq illoqarfiup atorneqarnissaanut periarfissanik aalajangersaasusaaq siunissamilu qanoq pitsaanerpaamik ineriartortinneqarnissaannik aamma/imaluunniit nukittorsarnissaannik takutitsisusooq. Pilersaarummi illoqarfiup pitsaaqutai pitsanngorsaaviginiarneqarput, taamaalilluni orniginarnera, qorsooqqinnera, illoqarfiup piujuartinneqarnissaa attatiinnarneqarniassammat, tassanilu illoqarfiup qeqqata ingerlalluarnissaa pingaartinneqassaaq, ataatsimoornissamut periarfissaqassaaq, illoqarfiup innuttaasui peqqinnissamut aalanissamullu periarfissinneqassallutik.

Pilersaarummi suliniutissat assigiinngitsut immikkoortiterneqarput, tamarmilli ataatsimut qulequtaqarput; illoqarfimmik ataqatigiissumik innuttaasunut pilersitsinissaaq. Pilersaarut tamakkiisoq Najukkami Ataatsimiititaliamit sakkussaavoq, iliuuseqarnermilu malittarinnillattaartarnissamut aallaaviusassalluni.

Sanarfinermut Avatangiisinullu Ataatsimiititap suliaq 14. maj 2018 ataatsimiinnerminni akueraat aammalu Aningaasaqarnermut Inuussutissarsiornermullu Ataatsimiititamut Kommunalbestyrelsimullu ingerlateqqillugu.

Inassuteqaatit

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Paamiut pillugit pilersaarut tamakkiisoq akuersissutigineqassasoq, aammalu
- siunnersuut akuersissutigisaaq, Kommunalbestyrelsimut akuerisassanngorlugu ingerlatinneqassasoq

Suliassamik saqqummiussineq

Paamiut pillugit pilersaarut tamakkiisup suliarineqarnissaa kommunimut pilersaarummit Sermersooq2028-miittoq politikikkut akuersissutigineqarnikuuvoq, qitiutillugillu iliuuseqarfigineqartussat pingasuusut aallaavigineqassapput: 1 Niuertoruseqarfik, eriaginninneq qitiutillugu, 2 Blokkunik isaterineq aamma 3 Illoqarfiup qeqqanik kusassaaneq.

Paamiut pillugit pilersaarut tamakkiisoq pilersaarutaavoq illoqarfiup atorneqarnissaanut periarfissanik aalajangersaasusaaq siunissamilu qanoq pitsaanerpaamik ineriartortinneqarnissaannik aamma/imaluunniit nukittorsarnissaannik takutitsisusooq. Pilersaarummi illoqarfiup pitsaaqutai pitsanngorsaaviginiarneqarput, taamaalilluni orniginarnera, qorsooqqinnera, illoqarfiup piujuartinneqarnissaa attatiinnarneqarniassammat, tassanilu illoqarfiup qeqqata ingerlalluarnissaa pingaartinneqassaaq, ataatsimoornissamut periarfissaqassaaq, illoqarfiup innuttaasui peqqinnissamut aalanissamullu periarfissinneqassallutik.

Pilersaarut tamakkiisumi illoqarfiup aaqqissugaanerata ataqatigiinnerulernissaa siunertaavoq, pingaartumik illoqarfimmi illoqannginersat akornanni, taakkumi illoqarfimmi suliniutinut sammisanullu ingerlanneqareersunut atorneqarsinnaapput atorneqassallutillu. Matumani illoqarfimmi pioreersut ineriartorteqqinneqarnissaat siunertaavoq, taakkulu Paamiut najoruminartuujuarnissaanut pitsanngorsaavigineqarlutillu nutarterneqassapput. Pilersaarut tamakkiisumi illoqarfimmi suliniuteqarfissat pillugit najoqqutassiortoqarlunilu sinaakkutissanik pilersitsisoqassaaq, tassa matumani pineqarlutik aqqusinerni qulliit, pinnguartarfinnik pilersitsinerit imaluunniit eqqumiitsuliat atorlugit kusassaanerit. Pitsaanerulersitsinissamut illoqarfimmi ineriartortinnissaanut suliniutit tamarmik illoqarfiup qeqqanik "nukittorsaataallutillu" ataatsimuulersitsissapput, tamannalu pillugu Pilersaarut tamakkiisumi suliassaq pingaarnerpaaq tassaavoq tamatumunnga najoqqutassiornissaaq.

Pilersaarummi suliniutissat assigiinngitsut immikkoortiterneqarput, tamarmilli ataatsimut qulequtaqarput; illoqarfimmik ataqatigiissumik innuttaasunut pilersitsinissaaq.

Illoqarfik assigiinngiiaartunut inissaqartitsisoq pitsaasumik illoqarfimmi avatangiiseqartitsisuuvoq. Najukkami Ataatsimiititaliap aamma Kommunalbestyrelsen Paamiut ineriartortinnissaanut takorluugaannik pingaarnernik Pilersaarut Tamakkiisooq imaqqarpoq.

Pilersaarut tamakkiisooq Najukkami Ataatsimiititaliamit sakkussaavoq, iliuuseqarnermilu ataavartumik malitseqartitsinissamut aallaviusassalluni. Tamatuma saniatigut suliniuteqarfiusuni sammisat, ataatsimut pilersaarutip siuariartorneranik, takussutissaassapput.

Aaqqiissutissatut siunnersuut – suliatigut naliliineq

Pilersaarut tamakkiisooq kommunimut pilersaarummi Sermersooq 2028-mi qulequtaasunut uiggiussaavoq. Qitiutillugit iliuuseqarfigineqartussat pingasuusut tassani aallaavigineqassapput: 1 Niuertoruseqarfik, eriaginninneq qitiutillugu, 2 Blokkini isaterineq aamma 3 Illoqarfiup qeqqanik kusassaaneq
Taamaalilluni pilersaarut tamakkiisooq Paamiut pillugit periusissiaareersunut naapertuuppoq.

Aningaasaqarnikkut sulisoqarnikkullu naliliinerit

Pilersaarut tamakkiisooq aningaasaqarnikkut sulisoqarnikkullu sunniuteqartitsissanngilaq, Paamiunili sumiiffinni arlanni iluarsartuussinissamut pitsanngorsaaniissamullu aningaasaliisoqartariaqarneranik taakkartuiffiilluni.

Inatsisitigut tunngavissaaq allakkallu tunngaviusumik uppernarsaatitalit

Pilersaarusiorneq aamma nunaminertat atorneqartarneri pillugit Inatsisartut inatsisaat nr. 17, 17. november 2010-imeersoq aamma
Kommunimut pilersaarut digitaliusooq www.sermersooq2028.gl

Ingerlariaqqinnissaaq

Pilersaarut inaarutaasumik akuersissutigineqareerpat kommunip nittartagaani Paamiunilu allagarsiivimmi tamanut saqqummiunneqassaaq. www.sermersooq2028.gl -imi saqqummiunneqassaaq.

Aningaasaqarnermut Allatseqarfimmit oqaaseqaatit

Aningaasaqarnikkut periarfissaatillugu kommunimi illoqarfiup pitsaanerusumik ineriartortinneqarsinnaanera misissorneqarmat, Aningaasaqarnermut Allatseqarfiup ataatsimut isigalugu pitsaasutut isigaa.

Siornatigut aalajangerneq

Sanarfinermut Avatangiisinullu Ataatsimiititap 14. Maj 2018-imi aalajangernera:

Inassuteqaatit akuerineqarput.

Innuttaasunik peqataatitsineq/attaveqaqatigiinneq

Pilersaarut tamakkiisoq Paamiuni najukkami ataatsimiititaliaq qanimut suleqatigalugu suliaavoq, qitiutinneqartussatullu akuerineqarsimasut aallaavigineqarlutik. Innuttaasunik peqataatitsisoqartarneratigut qitiutinneqartussanik ilusilliisoqarpoq.

Ingerlatsivinnit allaniit oqaaseqaatit

Ingerlatsivinnit allanit oqaaseqaateqartitsisoqanngilaq.

Ilanngussaq

1. Paamiut pillugit pilersaarut tamakkiisoq

IMMIKKOORTOQ 05F: Ulloq unnuarlu paaqqinniffiit Namminersorlutik Oqartussanit pigineqartut tigunissaannut isumaqatiginninniarneq

Beslutning

Aningaasaqarnermut Inuusutissarsiornermullu Ataatsimiititap akuersissutigaa:

- suliaq tullissaani Politikkikkut Ataqtigiissaarisooqatigiit ataatsimiilerpata qaqilerneqassasoq, tassani siunertarineqassalluni Prinsesse Margrethes Børnehjemmip, Røde Kors Børnehjemmip aammalu Meeqqat Illuata ingerlanneqarnerisa tiguniarneqarnissaat.

Ulloq unnuarlu paaqqinniffiit Namminersorlutik Oqartussanit pigineqartut tigunissaannut isumaqatiginninniarneq

Aalajangiiffigisassaq

J.nr.: 42.00

Meeqqanut Ilaqutariinnullu Ingerlatsivik – pisortaq Martha Lund Olsen / MLOL

Suliassamik eqikkaaneq

Meeqqanut Ilaqutariinnullu Ingerlatsivimmi Ikiorssiisuteqartarnermut Immikkoortortami piffissami qaninnermi aaqqissuussaaneq allanngortinneqarnissaa aallartinneqassaaq. Meeqqat ikinnerit ulloq unnuarlu paaqqinniffimmut inissinneqarnissamut pisariaqartitsisut ikilisinniarlugit meeqqat ilaqutariillu sullinneqartarnerat pitsanngorsaaviginiarlugu aaqqissuussaaneq allanngortinneqarnissaanut pissutaavoq. Suliap ingerlarngani Kommuneqarfik Sermersuumi, kommunip neqeroorutaatut ilaatut, inissimasut ulloq unnuarlu paaqqinniffiit Namminersorlutik Oqartussanit pigineqartut peqataatinneqarnissaat pissusissamisuussaaq. Taamaattumik Meeqqanut Ilaqutariinnullu Ingerlatsiviup ulloq unnuarlu paaqqinniffiit pingasut: Prinsesse Margrethes Børnehjem, Røde Kors Børnehjem aamma Meeqqat Illuat, ingerlanneqarnerat kommunimit tiguneqarnissaat pillugu Isumaginninnermut, Ilaqutariinnut, Naligiissitaanermut, Inatsisinillu Atuutsitsinermut Naalakkersuisoqarfimmik isumaqatiginninniarneq aallartiniarlugu kissaatigaa.

Suliaq Meeqqanut Ilaqutariinnullu Ataatsimiititami ulloq 9. maaji 2018 ataatsimiinneranni oqaluuserineqarpoq, tassanilu suliap Aningaasaqarnermut Inuussutissarsiornermullu Ataatsimiititamut ingerlateqqinneqarnissaa akuerineqarluni, taamaalilluni Meeqqanut Ilaqutariinnermullu Ingerlatsiviup Isumaginninnermut, Ilaqutariinnut, Naligiissitaanermut, Inatsisinillu Atuutsitsinermut Naalakkersuisoqarfimmik isumaqatiginninniarnissaa Aningaasaqarnermut Inuussutissarsiornermullu Ataatsimiititap Kommunalbestyrelsillu akuerereerpagu.

Inassuteqaat

Meeqqanut Ilaqutariinnullu Ingerlatsiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- Meeqqanut Ilaqutariinnullu Ingerlatsivimmit ulloq unnuarlu paaqqinniffiit pingasut: Prinsesse Margrethes Børnehjem, Røde Kors Børnehjem aamma Meeqqat Illuat, ingerlanneqarnerat kommunimit tiguneqarnissaat pillugu Isumaginninnermut, Ilaqutariinnut, Naligiissitaanermut, Inatsisinillu Atuutsitsinermut Naalakkersuisoqarfimmik isumaqatiginninniarneq aallartinneqarnissaa akuerineqassasoq, aammalu
- suliaq Kommunalbestyrelsimut inaarutaasumik akuerisassanngorlugu ingerlateqqinneqassasoq

Suliassamik saqqummiussineq

Meeqqanut Ilaqutariinnullu Ingerlatsivimmi Oqartussaaffeqarfimmi aaqqissuussaaneq nutaap, allaffissornikkut toqqammavissap nutaap sulianillu ingerlatsinermut periutsip nutaap atuutilersinneqarneri pilersaarutit malillugit ingerlapput. Ingerlatsivimmi Ikiorssiisuteqartarnermut Immikkoortortami aaqqissuussap allanngortinneqarnera piffissami qaninnermi aallartinneqassaaq. Meeqqat ikinnerit ulloq unnuarlu paaqqinniffimmut inissinneqarnissamut pisariaqartitsisut ikilisinniarlugit meeqqat ilaqutariillu sullinneqartarnerat pitsanngorsaaviginiarlugu aaqqissuussaaneq allanngortinneqarnissaanut pissutaavoq. Suliap ingerlarngani Kommuneqarfik

Sermersuumi, kommunip neqeroorutaatut ilaatut, inissisimasut ulloq unnuarlu paaqqinniffiit Namminersorlutik Oqartussanit pigineqartut peqataatinneqarnissaat pissusissamisussaaq. Taamaattumik Meeqqanut Ilaqutariinnullu Ingerlatsiviup ulloq unnuarlu paaqqinniffiit pingasut: Prinsesse Margrethes Børnehjem, Røde Kors Børnehjem aamma Meeqqat Illuat, ingerlanneqarnerat kommunimit tiguneqarnissaat pillugu Isumaginninnermut, Ilaqutariinnut, Naligiissitaanermut, Inatsisinillu Atuutsitsinermut Naalakkersuisoqarfimmik isumaqatiginninniarneq aallartinniarlugu kissaatigaa.

Aaqqiissutissatut siunnersuut – suliatigut naliliineq

Nalilerneqarpoq ulloq unnuarlu paaqqinniffiit pingasut ingerlanneqarnerisa kommunimit tiguneqassagunik:

- Ulloq unnuarlu paaqqinniffiit, ilaqutarsiat, meeqqanik ilaqutariinnillu katsorsaaviit aamma ikorfartuisartut akornanni meeqqanut inuusuttunullu suliassaqarfimmi suliatigut qaninnerulerneq.
- Meeqqap killiffianut paasissutissanik katersuineq, taakkulu sullissinikkut qanoq pitsaanerusedumik ikorfartuinnermut aamma meeqqamik taavalu/imaluunniit ilaqutariinnik pitsaanerusedumik katsorsaanermut iluaqutaassapput.
- Meeqqanut ilaqutariinnullu suliassaqarfimmi suliatigut piginnaasat eqaatsumik atortalernissaat. Ikorsiissutissatut neqeroorutit kommunimi pisariaqartitanut naleqqussarniarlugit, sulisut suliatigut inuttullu piginnaasaasa pingaarnersiornissaannut illuatungaanullu allannngortinniartarnissaannut siammasinnerusedumik periarfissiisoqassaaq.

Ulloq unnuarlu paaqqinniffiit ingerlanneqarnerisa akisussaaffigineqalernerini meeqqanik ilaqutariinnillu ikiuiniarneq ataqtiginnerusedumik eqaannerusedumik pilersinniarneqassasooq anguniagaavoq. Meeqqanut ilaqutariinnullu suliassaqarfimmi sulisunik aningaasanillu atuinnermi ulloq unnuarlu paaqqinniffiit allallu meeqqanut ilaqutariinnullu suliassaqarfimmi sullissisut kommunimit ataatsimut ingerlanneqalernerisigut kommunimi eqaannerusedumik nutaatullu pingaarnersiuinissamat periarfissanik pilersitsisoqassalluni. Taamaaliornikkut Kommuneqarfik Sermersuumi pisariaqartitanut ikorsiissutinik naleqqussaaneerunissaq periarfissaqassaaq. Taamaaliornikkullu meeqqamut atugassaasut pitsaanerpaat ilaqutariinniiginnassasut qulakkeernissaat anguniarneqarpoq, aammalu meeqqat ulloq unnuarlu paaqqinniffinnut inissinneqarnissamat pisariaqartitsisut ikinnerullutik.

Aningaasaqarnikkut sulisoqarnikkullu naliliinerit

Ulloq unnuarlu paaqqinniffiit ataasiakkaat tiguinneranut atatillugu aningaasartuutit isumaqatiginninnermi qulaajarneqassapput.

Ukioq 2014-imiilli ulloq unnuarlu paaqqinniffiit ingerlanneqarneri aserfallatsaaliornarilu akigitat aqutugalugit akilersuinikkut kommunit tamakkiisumik aningaasalersorneqarput. Kommunit taamaalillutik ulloq unnuarlu paaqqinniffiit aningaasatigut ataatsimoorullugit matussuserarpaat, aamma assigiinngitsunik peqquteqartumik tamakkiisumik atorneqanngikkaangata. Nuna tamakkerlugu meeqqanut inuusuttunullu ulloq unnuarlu paaqqinniffinniittartut 60-70 %-iisa missaat Kommuneqarfik Sermersuumi isumagineqartarmata, ulloq unnuarlu paaqqinniffiit ingerlanneqarneri aserfallatsaaliornarilu katillugit 60-70 %-iit kommunimit isumagineqartarput.

Aningaasanut Inatsimmut 2018-imut isumaqatiginninniarnermut atatillugu Naalakkersuisut, KANUKOKA isumaqatigineratigut, ulloq unnuarlu paaqqinniffiit akitigut aningaasaliiffigineqartartut missingersuutaannit 3.000.000 koruunit Isumaginninnermut Aqutsisoqarfimmut nuunneqarnissaat aalajangerpaat. Prinsesse Margrethes Børnehjem, Røde Kors Børnehjem aamma Meeqqat Illuat Kommuneqarfik Sermersuumit tiguneqarnissaanut isumaqatiginninniarnermi Meeqqanut

Ilaqutariinnut Ingerlatsivik akitigut aningaasaliissutaasut ilaat, siunissami ulloq unnuarlu paaqqinniffiit pingasut ingerlanneqarnissaannut atorneqarniassammata, Isumaginninnermut Aqutsisoqarfiup missingersuutaanut nuunneqarsimasut, utertinneqarnissaat aallarniutiginiarlugu pilersaaruteqarpoq, .

Ingerlatsinnermut aningaasat Kommuneqarfik Sermersuumut tunniunneqassappata, ulloq unnuarlu paaqqinniffiit pingasut Namminersorlutik Oqartussanit pigineqartut tiguneqarnerannut atatillugu aningaasartuuteqarnerunissaq naatsorsuutigineqanngilaq.

Isumaqatiginninniarnermut atatillugu aningaasartuuteqartoqassanngilaq. Maanna sulisorisat atorlugit isumaqatiginninniarnarit ingerlanneqassapput.

Inatsisitigut tunngavissaq allakkallu tunngaviusumik uppersaaitallit

Meeqqat tapersorneqarnissaannut Inatsisartut inatsisaat nr. 20, 26. juni 2017-imeersoq

Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaat nr. 19, 24. novembari 2017-imeersoq.

Meeqqanut inuusuttunullu kiisalu annertuumik innarluutilinnut ulloq unnuarlu paaqqinniffiit pillugit Namminersornerullutik Oqartussat nalunaarutaat nr. 64, 29. dec. 1994-imeersoq

Ingerlariaqqinnissaq

Inassuteqaat akuerineqassappat / akuerineqarpat Isumaginninnermut, Ilaqutariinnut, Naligiissitaanermut Inatsisinillu Atuutsitsinnermut Naalakkersuisoqarfimmik isumaqatiginninniarnarit aallartinneqassapput.

Isumaqatiginninniarneq ilutigalugu ulloq unnuarlu paaqqinniffiit ingerlanneqarnerat kommunimit tiguneqarnissaat pilersaarusiorneqassaaq . Ulloq unnuarlu paaqqinniffiit ingerlanneqarnerat siusinnerpaamik 2019-imi januaarip aallaqqaataanni Meeqqanut Ilaqutariinnullu Ingerlatsivimmit tiguneqarsinnaapput.

Tiguneqarnissaanut suliap ingerlanneqarneranut atatillugu kommunit sinneri qanimut suleqatigineqarnissaat, ataavartumik ilisimatitsissuteqartarnikkut, eqqarsaataavoq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik oqaaseqartinneqanngilaq.

Siusinnerusukkut aalajangerneq

Meeqqanut Atuarfeqarnermullu Ataatsimiititap ulloq 9. maaji 2018 aalajangernera:

Inassuteqaatit akuersissutigineqarput, ima oqaasertalerlugit:

- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Innuttaasunik peqataatitsineq/attaveqatigiinneq

Soqanngilaq

Ingerlatsivinnit allaniit oqaaseqaatit

Ingerlatsivinnit allanit oqaaseqaatinik pissarsiniartoqarsimanngilaq.

Ilanngussaq/Ilanngussat:

Soqanngilaq

IMMIKKOORTOQ 05G: Suliffeqarfinnik sulilernissamut piareersarfiusunik pilersitsinissaq

Beslutning

Inassuteqaatit akuerineqarput.

Suliffeqarfinnik sulilernissamut piareersarfiusunik pilersitsinissaq

Grenness Minde aamma Kommuneqarfik Sermersooq akornanni suleqatigiinneq

Aalajangiiffissaq

J.nr: 00.49-A00-13-18

Suliffeqarfimmut Kiffartuussineq - kommunaldirektøri Lars Møller-Sørensen / LMS

Suliassamik eqikkaaneq

Grenness Minde suliffeqarfinnik sulilernissamut piareersarfiusunik pilersitsinissamut suleqatigiissuteqalernissaq pillugu kommunimut saaffiginnissuteqarpoq.

Suliffeqarfinnik sulilernissamut piareersarfiusunik pilersitsinissaq inuussutissarsiutit pillugit politikkiimi suliniutaapput suliffeqarfinni eqaannerusumik nuttarsinnaanerup annertusarnissaa anguniarlugu innuttaasullu suliffeqannginnermiit assigiinngitsunik aqquusaagaqartinnerisigut imminnut pilersorsinnaasunngorlugit sulilersinneqarnissaat siunertarineqarpoq.

Suliffeqarfimmut Kiffartuussiviup nalilerpaa Kommuneqarfik Sermersuumi Nunarpullu tamakkerlugu suliffeqarfinnik sulilernissamut piareersarfiusunik arlalinnik pilersitsinissamut periarfissaqarluartoq.

Suliffeqarfimmut Kiffartuussiviup suleqatigiinnissami ima aaqqiissuteqartoqarnissaa siunnersuutigaa:

- 1) Suliffeqarfinnut pineqartunut allatseqarfimmik pilersitsineq
- 2) Tasiilami suliffeqarfimmik sulilernissamut piareersarfiusumik pilersitsineq
- 3) Sermersuumi/Nunatsinni allani suliffeqarfinnik sulilernissamut piareersarfiusunik pilersitsineq
- 4) Suliffeqarfinni pioreersuni sulilernissamut piareersarfiusunik pilersitsinerit

Inassuteqaatit

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- Kommuneqarfik Sermersuumi suliffeqarfinnik sulilernissamut piareersarfiusunik pilersitsisoqarnissaa tunngaviusumik akuerineqassasoq,
- Grenness Mindemik suleqateqalernissamut isumaqatigiissusiornissaanut isumaqatigiissuteqarnissaanullu Borgmesteri piginnaatinneqarnissaa akuerineqassasoq, aammalu
- suliassatut saqqummiussaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Grenness Minde suliffeqarfinnik sulilernissamut piareersarfiusunik pilersitsinissamut suleqatigiissuteqalernissaq pillugu kommunimut saaffiginnissuteqarpoq.

Grenness Minde aningaasaateqarfiuvoq suliffeqarfinnik sulilernissamut piareersarfiusunik pilersitsinissaq qitiutitalugu. Aningaasaateqarfik ukiorpassuarni misilittagaqarpoq Danmarkimi suliffeqarfinnik sulilernissamut piareersarfiusunik pilersitsiortornermut atatillugu, ilaatigut tassani naatitsivinnik, iffiorfinnik cafenillu pilersitsiortornikuugamik. Aningaasaateqarfik inuusuttunik immikkut ittunik pisariaqartitsisunik ikiuinissamut immikkut piginnaasaqalernikuuvoq.

Suliffeqarfinnik sulilernissamat piareersarfiusunik pilersitsinissaq inuussutissarsiutit pillugit politikimi suliniutaapput suliffeqarfinni eqaannerusumik nuttarsinnaanerup annertusarnissaa anguniarlugu innuttaasullu suliffeqannginnermiit assigiinngitsunik aqquusaagaqartinnerisigut imminnut pilersorsinnaasunngorlugit sulilersinneqarnissaat siunertarineqarluni. Taamatut ingerlataqarnerni siunertarineqarpoq, innuttaasut suliffeqanngitsut, sulisinnaanermut piareersimasut - imaappoq sullinneqartussat tassaallutik inuit "suliffeqarnermik sungiusartussat", namminnerlu ajornartorsiutiminnik aaqqiisinnaanngornissaannut ikiortariaqartut.

Matumani eqqarsaataavoq suliffeqarfik sulilernissamat piareersarfiusoq siunissami imminut napatittunngussasoq, kisianni piumasaqaatigalugu kommunimut najoqqutassat pillugit isumaqatigiissuteqassasoq, assigiinngitsunik pisiortornermut tunngatillugu soorlu assersuutigalugu suliffissaaleqisut assigiinngitsunik ineriartornissaannut pikkorissartinneqartarnissaannut tunngasunik. Grenness Mindemiit nalilerneqarpoq suliffeqarfinnik sulilernissamat piareersarfiusunik pilersitsisoqarsinnaasooq aningaasarpassuunngitsunik kommunimit aningaasaleeqataaaffigineqartunik, suliffeqarfinnik aallartisaanissamat aningaasaateqarfinnit annertuumik piumassuseqartoqarnera pissutigalugu. Grenness Minde aamma suliasaqarfimmut tassunga tunngatillugu aningaasaliisussarsiortarnermut misilittagaqartuuvoq aammalu Kalaallit Nunaannut tunngatillugu aningaasaateqarfiit arlaqartut pitsaasumik oqaloqatigisalereerlugit.

Aaqqiissutissatut siunnersuut – suliatigut naliliineq

Suliffeqarfimmut Kiffartuussiviup nalilerpaa Kommuneqarfik Sermersuumi Nunarpullu tamaat eqqarsaatigalugu suliffeqarfinnik sulilernissamat piareersarfiusunik arlalinnik pilersitsinissamat periarfissaqarluartoq. Ilaatigut suliffissaaleqinerujussuaq (9,1 pct.), inuttut ajornartorsiuterpassuit, aammalu ilinniarfeqarfinni taamaatiinnartartorpasuit eqqarsaatigalugit. Suliffeqarfiit suliffeqalernissamat piareersarfiusut isumalimmik suliaqarnissamat periarfissiisarput peqatigitillugulu suliffigiligassamik pissarsinissap tungaanut piukkunnarsartoqartarluni.

Suliffeqarfimmut Kiffartuussiviup suleqatigiinnissami ima aaqqissuussisoqarnissaa innersuussutigaa. Aaqqissuussinermi immikkoortut sisamat tulliuuttuni aallaavigineqarput taakkulu pisariaqartitsineq naapertorlugu amerlineqarsinnaallutik.

- 1) Suliffeqarfinnut pineqartunut Kommuni Ineriartortitsinermut pijuartitsinermullu Allatseqarfianut atasumik allatseqarfiliornissamat suleqatigiinneq.
 - Grenness Mindemiit suliniummut siunnersortimik atuissanersugut misissorneqassaaq, tassunga sulisorineqartussaq suliffeqarfinnik sulilernissamat piareersarfiusunik pilersitsinermut tunngasunik annertuumik ilisimasaqassaaq, taavalu suliniutip sukkaasumik pilersinneqarnissaanut iluaqutaasorujussuussalluni.
 - Ungasinnerusoq eqqarsaatigalugu suliffeqarfinnik sulilernissamat piareersarfiusunik attaveqaatit katersorneqassapput, tassanilu allatseqarfiup (imm 1) suliffeqarfiit pisariaqartitanik ilisimasanik siunersueqatigiittarnernillu ikorfartortassavai.
 - Allatseqarfik suliniummut aningaasaleeqataajumasunik ujartuinermi qitiusumik inissisimassaaq.
- 2) Tasiilami suliffeqarfimmik sulilernissamat piareersarfiusumik pilersitsineq
- 3) Sermersuumi/Nunatsinni allani suliffeqarfinnik sulilernissamat piareersarfiusunik pilersitsineq.
 - Aallaqqaammut Sermersooq aallaavigineqassaaq. Kingusinnerusukkut suleqatigiinneq Nunatta sinneranut atuuttussanngorlugu annertusineqassaaq kommunit sinneri Namminersorlutik Oqartussallu suleqatiginerisigut.

4) Suliffeqarfinni pioreersuni sulinernissamut piareersarfiusunik pilersitsinerit

- Suliffeqarfiit Kalaallit Nunaanniittut suliffeqarfinnik sulilernissamut piareersarfiusunik pilersitseqataajumasut suleqatigilernissaat aallartinneqassaaq.

Aningaasaqarnikkut sulisoqarnikkullu naliliinerit

Grenness Mindemit saqqummiussisummi allassimavoq kommune 0,5 mio. kr. tikillugit aningaasaliisuusinnaasoq, taamaattorli aningaasaliissutigineqartut tamakkiisut 30 pct-iannik. Kommunip inaarutaasumik aningaasaliissutissai 2019-imut missingersuusiornermut atatillugu aalajangersarneqassaaq.

Inatsisitigut tunngavissaq allakkallu tunngaviusumik uppersaatitallit

Soqanngilaq

Ingerlariaqqinnissaq

- Suleqatigiinnissamik isumaqatigiissutissatut siunnersuummik suliaqarneq
- Suleqatigiinnissamik isumaqatigiissut juunip 12-ani ataatsimiinnermi Københavnimi atsiorneqassaaq.
- Tamanna pereerpat aningaasaateqarfinnut aningaasaliiumasunik ujartuineq aallartissaaq, allatseqarfimmik pilersitsisoqarluni, aammalu suliffeqarfinnik sulilernissamut piareersarfiusumik inerisaasoqarlunilu pilersitsisoqassaaq.

Aningaasaqarnermut Allatseqarfimmit oqaaseqaatit

Ataatsimut isigalugu Aningaasaqarnermut Allatseqarfiup suliniummik taama ittumik aallartisaasoqalernera pitsaalluinnartutut isigaa. Periarfissaqarluarnissaalu qularnanngilaq. Aningaasaqarnermiilli aningaasanik illikartitsereernissaq innersuunneqanngilaq, tamanna 2019-imi missingersuutit isumaqatigiissutiginerini pissammat.

Innuttaasunik peqataatitsineq/attaveqaqatigiinneq

Attaveqaqatigiinneq innuttaasunillu peqataatitsineq aallartinneqassaaq Greenesimik suleqatigiinnissamik isumaqatigiissut atsiorneqareerpat.

Ingerlatsivinnit allaniit oqaaseqaatit

Isumaginninnermut Suliffeqarnermullu Ingerlatsiviup suliniut tikilluaqqaat, kommunip illoqarfiini assigiinngitsuni suliffeqarfiit inuiaqatigiit aningaasaqarneranik pilersitsisussat pisariaqartinneqartutut nalilerneqarmat.

Inatsimmi tunngavissamut tunngatillugu suliffeqarfiit inuiaqatigiit aningaasaqarneranut sunnuteqartussat pillugit inatsisitigut tunngavissaqannginnera naqissuserneqassaaq, taamaattorli Inatsisartut inatsisissaat nr. 23, 18. december 2003-meersoq naapertorlugu kommunit suliffeqarfinnut inuussutissarsiornermik siunertaqartunut ass. inuussutissarsiornerup inerisarnissaanut tapiissuteqarnissamik periarfissaqarmata kiisalu Unammilleqatigiinneq pillugu Inatsisartut inatsisaat nr. 1, 15. maj 2014-imeersoq (unammilleqatigiinnermut inatsit).

Ilanngussaq

Soqanngilaq

IMMIKKOORTOQ 05H: 2018 januaarimiit apriliimut missingersuutitut malitseqartitsineq

Beslutning

Inassuteqaatit akuerineqarput.

Ilanngussat

Januar-til-april-2018-DK_21272_KAL.docx

2018 januaarimiit apriliimut missingersuutitut malitseqartitsineq

Akuersissutigisassaq

J.nr.:06.01.06

Suliffeqarfimmut Kiffartuussivik - kommunaldirektøri Lars Møller-Sørensen / LMS

Suliassamik eqikkaaneq

Una aningaasaqarnermut malitseqartitsineq, inatsisinit Kalaallit Nunaanni pituttugaasunit pingasuusunit, siulliuvoq.

Aningaasaqarnikkut malitseqartitsineq ajoraluartumik siornatigut pisinnaasimangilaq ERP 1. januaari 2018 atuutilersinneqarnera pissutaalluni.

Qaammatit siulliit sisamat kommunimi aningaasaqarneq 2018 tamaat isigalugu naammaginatsumik killiffeqarpoq, naak sumiiffiit ilai atuinerunermik misissuiffigisariaqaraluartut.

Inassuteqaatit

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititumut inassuteqaatigaa:

- missingersuutitut malitseqartitsineq akuerineqassasoq, aammalu
- suliaq inaarutaasumik Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Januaari 2018- imi kommunimut ERP systemi atuutilerpoq. Taanna unamminartunik tunisivoq aningaasaqarnermut malitseqartitsinerumut. Taamaammat aningaasaqarnikkut malitseqartitsineq inatsisinit pituttugaasunit pingasuusunit siulliuvoq kommunip malitassaani.

ERP systemip atulernerani kontumut pilersaarut atulerpoq, aningaasaqarnermut malitseqartitsinissaq anguniakkanut nutaanut atuuppoq - Aningaasaliissutissat qaffasissusaannut malittarisassaq.

Aaqqiissutissat siunnersuut – suliatigut naliliineq

Ataatsimut isigalugu 2018 qaammatit siulliit sisamat naammaginatsumik ingerlapput, sumiiffiit ilaanni atuineruneqartoq sumiiffiillu allat annikinnerusumik atuiffiusut. Sumiiffiit atuineruffiusut tamarmik oqaloqatigineqarput, ingerlatsivik/immikkoortortaq kiisalu aningaasaqarneq sukumiisumik pissutaasinnaasullu atuinerunermut qanorlu iliortoqarsinnaanersoq.

Ataani atuneq ilaalu ilanngullugit takusassiarineqarput. Missingersuut 2018 januaarimiit apriliimut:

Siunertaq	Atuneq 1.000 kr.-it	Missingersuutit 1.000 kr.	Assigiinngissut
Akileraarutit akitsuutillu	-304,255	-454,680	-150,425
Kommuninut tapiissutit	-159,797	-130,583	29,215
Kommunalbestyrelse	3,499	2,531	-968
Nunaqarfinni aqutsisut	619	2,162	1,543
Nunaqarfimmut aningaasaliissutit	66	2,667	2,600
Angerlarsimaffimmi paaqqinnittarneq	1,134	1,413	279
Meeraaqqerivik	7,029	7,249	220
Meeqqerivik	6,855	8,463	1,608
Ukioqatigiinngitsunut meeqqerivik	21,922	22,947	1,024

Meeqqat atuarfiat	81,403	91,284	9,881
Sunnigiffimmi- sammisassatut neqeroorutit	12,747	19,007	6,260
PPR	2,690	2,393	-297
Ilinniarnermi ineqarnermut tunngasut	3,031	3,729	699
Piniarneq aalisarnerlu	606	1,451	845
Aatsitassat	0	24	24
Takornariaqarneq	221	562	340
Suliaqarfiit allat	3,333	3,779	445
Oqartussaaffeqarfimmi suliaqarneq, inuussutissarsiut	3,568	0	-3,568
Meeqqat immikkut pisariaqartitsisut amerlassusaat	66,576	86,331	19,755
Meeqqat innarluutillit	3,018	7,890	4,872
Inersimasut immikkut pisariaqartitsisut	1,379	2,566	1,188
Inersimasut innarluutillit	18,162	37,704	19,542
Atornerluisunik katsorsaasaarneq	24	404	379
Angerlarsimaffimmi ikiorteqarneq	4,772	5,007	235
Iluaqusersuutit sungiusaanerlu	516	781	265
Pisortanit ikiorsiissutit	34,504	38,086	3,582
Utoqqaat	40,373	41,669	1,296
Utoqqaat innarluutillit	6	592	587
Innuttaasunut Sullissivik	3,084	2,917	-168
Suliffissaqartitsiniutit	7,264	6,309	-955
Majoriaq	9,036	4,077	-4,959
Isumaginninnermi oqartussaaffeqarfimmi suliarinnineq	10,371	7,448	-2,923
Pegqinneq pitsaaliuinerlu	252	0	-252
Illoqarfimmik pilersaaruserneq	1,104	1,936	832
Nuna tamakkerlugu pilersaaruserneq	0	0	0
Sanaartorfissagissaaneq	3,921	-9,012	-12,932
Pinngortitaq nakkutilliinerlu	7	0	-7
Avatangiisit nakkutilliinerlu	1,576	6,623	5,047
Qimmeqarneq ajoqutaasunillu uumasuiaaneq	197	347	150
Tigooraaviit	1,810	-651	-2,461
Sumiiffimmi sanaartugassanik suliaqartartut	10,290	1,187	-9,102
Teknikkimut, avatangiisinut pilersaarusernnullu oqartussaaffeqarfimmi suliaqarneq	1,980	701	-1,280
Sunnigiffimmi atuartsineq	4,305	3,173	-1,132
Timersorneq	12,289	10,256	-2,033
Sunnigiffimmi sammisaqartitsinerit allat	1,782	1,026	-755
Atuakkanik atorniartarfeqarneq	116	132	16
Katersugaasiveqarneq	1,192	1,598	405
Kulturikkut suliniutit allat	6,367	5,111	-1,257
Umiarsualiviit umiarsuillu angallanneri	23,014	19,780	-3,234
Aqquserngit, ikaartarfiit, majuartarfiit	61	5,930	5,868
Aputaajaaneq	4,398	5,572	1,174
Saligaatsuutitsineq	16	807	791

Kuuffissuit	275	669	394
Illoqannginnersaq pinnguartarfiit il.il.	121	929	808
Iliveqarfiit	0	361	361
Nukissiuuteqarneq (innaallagiaq, imeq kiassarnerlu)	485	-559	-1,044
Eqqagassalerineq	2,989	559	-2,430
Inissamik pilersuineq	42,310	25,657	-16,653
Illut sullissiviit	13	243	230
Ikuallaavik	3,050	1,496	-1,554
Upalungaarsimaneq	3,360	4,513	1,153
Sinniisut	16	0	-16
Allatseqarfik	55,107	39,179	-15,928
Aningaasaqarneq	24,987	10,120	-14,867
Sulisoqarnermut allaffik	9,165	11,445	2,280
Qarasaasiaqarnermik ingerlatsineq	17,476	12,700	-4,776
Illut/illuutunik ingerlatsineq	9,996	10,723	728
Ilaasortaanermut akiliutit tapiissutillu	1,531	2,572	1,041
Sanaartugassanut aningaasaliissuteqarnerit	-18,821	-6,597	12,224

Aningaasaqarnikkut sulisoqarnikkullu naliliinerit
Soqanngilaq

Inatsisitigut tunngavissaq allakkallu tunngaviusumik uppernarsaatitalit

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq
-Kommunit missingersuusiortarnerat, aningaasanik tigorianaateqarnerat, naatsorsuutaat,
kukkunersuiisoqarnerat kiisalu karseqarnerat naatsorsuuseriveqarnerallu pillugit Namminersorlutik
Oqartussat nalunaarutaat nr. 3, 3. februar 2012-meersoq
- 2014-imut Inatsisartut Aningaasanut Inatsisaat

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik allanik oqaaseqaatissaqanngilaq inassuteqaatigalugulu
missingersuutitut malitseqartitsineq akuerineqassasoq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinniit allaniit oqaaseqaatigineqartut

Ingerlatsivinnit allanit oqaaseqaateqartitsisoqanngilaq.

Ilanngussat

1. Aningaasatigut malitseqartitsineq 2018 januaarimiit aprilimut

IMMIKKOORTOQ 05I: Ukiumoortumik naatsorsuutit 2017 – kukkunersiuisunut nassiussineq

Beslutning

Inassuteqaatit akuerineqarput.

Ilanngussat

Årsrapport-2017-KAL_rev.docx

Ukiumoortumik naatsorsuutit 2017 – kukkunersiuisunut nassiussineq

Aalajangiiffigisassaq

J.nr.: 06.04.01

Suliffeqarfimmut Kiffartuussineq - kommunaldirektøri Lars Møller-Sørensen / LMS

Suliassamik eqikkaaneq

Kommunit missingersuusiortarnerat, aningaasanik tigorianaateqarnerat, naatsorsuutaat, kukkunersiuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr 26 28. november 2016-meersoq naapertorlugu Aningaasaqarnermut Inuussutissarsiornermullu Ataatsimiititaq naatsorsuutit saqqummiussaqaassaaq. Nalunaarummi atuarneqarsinnaavoq, Kommunalbestyrelsip naatsorsuutit suliarisussaagai kingusinnerpaamik naatsorsuutit Aningaasaqarnermut Inuussutissarsiornermullu Ataatsimiititamut saqqummiunnerisa kingorna Kommunalbestyrelsip ataatsimiinnerani nalinginnaasumi siullermi.

Suliffeqarfimmut Kiffartuussiviup 2017-imut ukiumoortumik naatsorsuutit ineneri ilanngullugit aqutsisut nalunaarutaat aamma naatsorsuutitut oqaaseqaatit Aningaasaqarnermut Inuussutissarsiornermullu Ataatsimiititamut matumuuna nassiuppai, kukkunersiuisunut ingerlatitseqqinneqarnissai siunertaralugu.

Inassuteqaatit

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassutigaa:

- 2017-imi ukiumoortumik naatsorsuutit akuersissutigineqassasut, kukkunersiuisunullu ingerlateqqinnissaat akuersissutigineqassasoq, aammalu
- Aningaasaqarnermut Inuussutissarsiornermullu Ataatsimiititap suliaq Kommunalbestyrelsimut ingerlateqqissagaa kukkunersiuisunut ingerlatitseqqinissaq akuereqqullugu.

Suliassamik saqqummiussineq

Aningaasaqarnermut Allatseqarfik, 2017-mut ukiumoortumik naatsorsuutit ineneri tunngavigalugit naatsorsuuserivoq, 2017-mullu ukiumoortumik naatsorsuutit tullerriaarlugit ilanngullugit aqutsisut nalunaarutaat aamma ilassutitut oqaaseqaataat.

Ukiumoortumik naatsorsuutit saqqummiunneqartut Aningaasaqarnermut Inuussutissarsiornermullu Ataatsimiititamut nassiunneqassapput, taamaalilluni ataatsimiititap Kommunalbestyrelsimut oqaluuserisassatut ingerlateqqinniassammagit kingornalu kukkunersiuisunut ingerlateqqillugit.

2017-imi pinngitsoorani missingersuutitut malitseqartitsinissamut kiisalu aalajangersimaqqissaartunik aningaasaliissutissanik qinnuteqarnermut atatillugu ingerlatsinermut aningaasaliissutit ilassutissaat akuersissutigineqarput katillugit 97,9 mio. koruunit, ingerlatsinermut aallaqqaammut missingersuutaasunut 1.456 mia. koruuninut naleqqiullugu.

2017-imi kontuni tamani annerusutigut minnerusutigulluunniit nikingasoqartarsimavoq. Kommunimi ingerlatsineq atuineruffiusimavoq 56 mio. koruuninik. Atuinerunerup pissutai immikkoortuni sisamani takuneqarsinnaapput:

- Iluanaarutinut akileraarutit annikinnerit
- Nalikilliliinerit annertuut
- Sanaartornermi atuineruneq
- IT-mi atuineruneq

Naatsorsuineq 2017 naligiimmik pisortaqtigiit atuinikinnerunermik. Isumaginnittoqarfik atuartsinerlu ataatsimut annikinnerusumik atuinikinneruffiupput 42 millioner koruuninik.

Saniatigut susassaqrifiit allat, annikinnerusumik annerusumillumilluunniit atuisut missingersuut eqqarsaatigalugu

2017 ukiuuvoq pitsaasoq sanaartornermut tunngatillugu, pilersaarutit arlallit missingersuusaaersut ingerlanneqarput. Ajoraluartumik suliniutit allat missingersuutiniit akisunerupput, sanaartornermut 36,6 million koruuninik atuineruffiulluni

2017-imi isertitaqarfiulluarpoq. Inuit akileraarutaat iluarsiiqqineqarpoq 105 million koruuninik. Iluanaarutinut akileraarutit ingerlatseqatigiiffinnullu akileraarutit ajoraluartumik isertitakinnerupput, ataatsimut katikkaanni 31 million koruuninik. Nalikkiliinerit annertuut 2017-imi iluarsaassinnermi kommunimilu ERP systemimik nutaamik piareersaassinnermi. Nalikkiliinerit sunniuteqarput pitsaangitsumik 21 million koruuninik.

Aningaasaliissutit iluarsisat tunngavigalugit 2017-mut naatsorsuutini kisitsisit pingaernerit ima ittut tullerriaarneqarsinnaalerput:

Aningaasat mio. kr. (- = isertitat)	Naatsorsuutit	Aningaasat akuersissutigineqartut:	Nikingassut (- = isertitaqarneruneq)
Akileraarutinit bloktilskudinillu il.il. isertitat	-1.783	-1.841	58
Ingerlatsinermut aningaasartuutit aamma isertitat	1.516	1.554	-38
Ataavartumik ingerlatsinerup inernera			
Sanaartornermut aningaasartuutit - aamma isertitat	323	287	36
Ukiumi angusat	56	0	56

Kommunip aningaasaatai tigoriaannaat, naatsorsorneqarsimasut Namminersorlutik Oqartussat malittarisassaata naapertorlugit, ulloq 31. decembari 2017-imiit amerlassuseqarput 130 million kronit.

Karsimiittuutigineqartussat 6 % kommunip ataatsimut ingerlatsineranut sanaartorneranullu aningaasartuutai 99,7 million koruuniupput. Taamaasilluni 2017-ip naanerani aningaasat tigoriaannaat pillugit kommunip nammineq malittarisassani malippai, taamaasillunilu Kommunit missingersuusiortarnerat, aningaasanik tigoriaannaateqarnerat, naatsorsuutaat, kukkunersiuisoqarnerallu pilugit nalunaarut malinneqarpoq. Tassani aalajangersarneqarpoq kommunit qaquguluunniit aningaasanik tigoriaannarnik peqassasut, akiligassanut ingerlaavartunut naammattunik.

Aaqqiissutissatut siunnersuut – suliatigut naliliineq

Naatsorsuutit imatut akuerineqartussaangillat, naatsorsuutit Kommunalbestyrelsimut ingerlateqqinneqartussaammata kingorna kukkunersiuisunut.

Kommunalbestyrelsip isummerfigissavai naatsorsuutininut oqaaseqaatit aammalu aalajangerlugu naatsorsuutini susassaqrifiit ataasiakkaat eqqarsaatigalugit arlaannik malitseqartitsisoqassanersoq.

Aningaasaqarnikkut sulisoqarnikkullu naliliinerit

Missingersuutit katillugit 1,841 mia. koruuniusuni naatsorsuutit katillugit 56 mio. koruuninik atuinikipallaartoqarpoq, procentinngorlugu 3 procentiulluni.

Inatsisitigut tunngavissaq allakkallu tunngaviusumik uppernarsaatitalit

- Kommunit aqunneqarnerat pillugu Inatsisartut inatsisaat nr. 22, 18. november 2010-meersoq
- Kommunit Namminersorlutik Oqartussallu missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq

Ingerlariaqqinnissaq

Aningaasaqarnermut Inuussutissarsiornermullu Ataatsimiititami oqaluuserineqareernerata kingorna, naatsorsuutit kukkunersiuisunut ingerlateqqinneqarnissaat eqqarsaatigalugit, Kommunalbestyrelsimut ingerlateqqinneqassapput.

Naatsorsuutigineqarpoq naatsorsuutit kingusinnerpaamik juunip qiteqqunnerani naammassineqarsimassasut, tamatuma kingorna kukkunersiuisut nalunaarusiaat suliarineqassaaq pisariaqarpallu kukkunersiuiinikkut iluarsiiisoqarluni.

Tamatuma kingorna naatsorsuutit, kukkunersiuisut uparuaataat ilanngullugit, Aningaasaqarnermut Inuussutissarsiornermullu Ataatsimiititamut inaarutaasumik akuersissutigineqarnissaannut ingerlateqqinneqassapput, taamaalillutik Kommunalbestyrelsip aggustimi 2018-imi ataatsimiinnissaanut inaarutaasumik akuersissutigineqarnissaannut ingerlateqqinneqassallutik.

Aningaasaqarnermut Allattoqarfiup immikkoortortaanit oqaaseqaatit:

Naatsorsuutit eqqortuusut Aningaasaqarnermut Allatseqarfimmit isigineqarput - taamaattumik innersuussutigineqarpoq naatsorsuutit Aningaasaqarnermut Inuussutissarsiornermullu Ataatsimiititamut saqqummiunneqassasut kukkunersiuisunullu nassiunneqarnissaat siunertaralugu Kommunalbestyrelsimut ingerlateqqinneqassallutik. Aningaasaqarnermut Allatseqarfiup inassuteqaatigineqartut akuereqquneqarput.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinniit allaniit oqaaseqaatigineqartut

Ingerlatsivinnit allaniit oqaaseqaateqartitsisoqanngilaq.

Ilanngussat

1. Ukiumoortumik naatsorsuutit 2017

IMMIKKOORTOQ 6: Taasariaqartut allat

Beslutning

Peter Davidsen (S):

Ittoqqortoormiit ilinniariarniarlutik inissaqanngitsut KAF-imut saaffiginninnissamut innersuuppai

IMMIKKOORTOQ 7: Suliat matoqqasut

IMMIKKOORTOQ 07A: Lukket

IMMIKKOORTOQ 07B: Lukket

IMMIKKOORTOQ 8: Imaqarniliap akuerineqarnera

Beslutning

Imaqarniliaq akuerineqarpoq 17.22